

無邪堂  
答  
問

無邪堂答問卷二

黎佩蘭字詠陔高要人景教流行中國碑考

評曰

景教流行中國碑考

之事見通典兩京新記西陽雜俎長安志西溪叢話墨莊漫錄諸書景教卽火教丙丁屬火文言之則曰丙教避唐諱則曰景教唐時夷教入中國者有三故唐文粹載舒元與重巖寺碑云雜夷而來者有摩尼焉大秦焉狄神焉此據明建武刻本錢竹汀景教考引作秋神狄與秋皆祆字之譌大秦則火教也摩尼則回教也祆神則婆羅門教也據唐元奘西域記印度所奉天神有婆藪天祠那羅延天祠毗摩羅天祠補那天祠尼乾天祠其人露形袒上高柱一手足執柱端旁執一手一足虛懸向外視日影求出生死佛書所云梵志或事日月變廟向之是也詳見白衣天祠據記所言與佛教相近似卽摩尼皆佛書所謂九十六種外道也

此皆來自西方在釋教之外而皆與天主教無涉舊說以景教爲天主非也通典職官門視流內有正五品薩寶從七品薩寶符祆正又視流外有勳品薩寶府祆祝四品薩寶府率薩寶府史杜氏自注云祆者西域天神佛經所謂摩醯首羅也武德四年置祆祠及官韋述兩京新記北門十字街東北隅石金吾街西南有胡祆祠自注與通典同常有羣胡奉事取火呪詛貞觀三年置波斯寺天寶四年七月敕波斯經教出自大秦傳習而來久行中國爰初建寺因以爲名將欲示人必循其本其兩京波斯寺宜改爲大秦寺案此敕唐會要冊府元龜均載之開元二十年七月敕未摩尼法本是邪見妄稱佛教誑惑黎元宜嚴加禁斷宋敏求長安志布政坊西南隅有胡祆祠自注與通典

同醴泉坊普寧坊靖恭坊皆有祆祠醴泉坊又有舊波斯胡寺  
自注云波斯王卑路斯奏置又見兩京新記景龍中移於布政  
坊祆祠之西義寧坊有波斯寺又見兩京新記貞觀十三年太  
宗爲大秦國胡僧阿羅本立本誤作斯今據碑正碑所載貞觀  
十二年七月之敕亦見唐會要段成式西陽雜俎孝億國事祆  
不識佛法有祆祠三千餘所又銅馬俱德建國烏許河灘流中  
有火祆祠相傳本自波斯國乘神通來此有銅馬國人言自天  
下近有大食人不信入祆祠將毀之忽有火燒其兵遂不敢毀  
姚寬西溪叢話火祆胡神佛經所謂摩醯首羅本起大波斯國  
號蘇魯支卽摩醯之對音有弟子名元真習師之法居波斯國  
大總長如火山後行化中國宋次道東京記寧遠坊祆神廟注

云四夷朝貢圖康國有神名祆畢國有火祆祠疑因此建廟或傳晉戎亂華時立此據杜預左傳注睢水次有祆神其來蓋久唐貞觀五年有傳法穆護何祿將經教詣闕敕令長安崇化坊立祆寺號大秦寺又名波斯寺案穆護者其傳教人之稱猶釋教之稱桑門天主教之稱神甫也何祿卽阿羅本長安志崇化坊不載此寺當是義寧坊之譌武宗毀浮屠籍僧爲民會昌五年敕大秦穆護火祆等六十餘人並還俗張邦基墨莊漫錄東京城北有祆廟自注呼煙切祆神本出西域與大秦穆護同入中國俗以火神祠之京師人畏其威靈甚重之鎮江府朱方門之東城上亦有祆神祠案諸書所言與此碑年月小有抵牾而大致皆合唐以薩寶名官者隋書西域傳康國都薩寶水上有

胡律置祆祠康國在今浩罕哈薩克之地顧野王玉篇已收祆字自江阿憐切魏書靈太后傳廢諸淫祀而胡天神不在列是其教早入中國姚寬謂當始於晉戎亂華時固或有之漢武破匈奴得休屠王祭天金人疑卽此也隋書西域傳曹國有得悉神自西海以東諸國並敬事之其神有金人焉每日以駝五頭馬十疋羊百口祭之匈奴金人當亦類此舊說以爲佛像案佛教是時尙未行於匈奴漢書西域傳可證也惟寬引杜注睢水次之祆祠以爲證稽諸左傳祆本作妖釋文不出妖字與阿憐切之音似異通典自注祆音吽朝反案說文地反物爲祆古書多似妖爲之說文祆字大徐新附蓋其教初入中國中國人以妖呼之後乃以事天神之故訛从天而造祆字耳祆神之教見

於史傳者隋書漕國在蔥嶺之北漢時罽賓國也其俗注祠蔥嶺山有順天神者制極華金銀鑠爲屋以銀爲地祠者日有千餘人北史高昌國俗事天神兼信佛法唐書于闐國好事祇神崇佛教通典引韋節西番記曰康國事天神崇敬甚重云神兒七月死失骸骨事神之人每至其月著黑疊衣徒跣撫胸號哭丈夫婦女三五百人散在草野求天兒骸骨七日便止此自胡祇之俗何願船朔方備乘以天兒爲天主非也詳見後舊書泥婆羅傳祀五天神鑄石爲像日浴之通典謂泥婆羅事阿修羅神隋書言女國事阿修羅神阿修羅見佛書此又別是一派亦九十六種外道之一新唐書西域傳于闐國事祇神浮屠法又康國尙浮屠法事祇神舊書則謂有婆羅門爲之占星候氣周

書異域傳亦言焉耆國文字與婆羅門同俗事天神並奉佛法

于闐今新疆之和闐焉耆今新疆之哈密沙爾皆在天山南然

則祆教卽婆羅門觀元奘西域記亦可見也四裔年表虞舜四

十三年印度始拜婆羅門造梵字著肥大司比平書比平或譯

作此土

使德日記德國書庫有婆羅門教之里格飛答經乃四千年物

印度卽身毒天竺之音

轉漢時稱身毒魏晉以後稱天竺隋唐以來稱印度其言雖未

足信要之婆羅門在西教中爲最古其流行亦甚廣魏默深何

願船皆以婆羅門爲舊回教非也回教本於耶穌亦本於猶太

詳見後

惟以猶太爲出自婆羅門則可耳婆羅門者種族之稱梵

言淨行也其人種類自云從梵天口中生故爲貴族至今猶然

黃氏印度割記印度之民分爲四等其上品曰婆羅門凡各部



酋長職官皆此族爲之以下爲兵爲商爲工役各世其業不相  
婚姻婆羅門雖極貧窶而下品富者見之必加尊敬甚至取其  
濯足之水而飲之且不與賤者同坐同飲食沈存中夢溪筆談  
天竺以利利婆羅門二姓爲貴種自餘皆爲庶姓如毗舍首陀  
是也其下又有貧賤姓如工巧純陀是也西域記謂其學有四  
吠陀論一曰壽謂繕生養性二曰祠謂享祭祈禱三曰平謂禮  
儀占卜兵法軍陣四曰術謂異能技數禁呪醫方餘詳釋典不  
具引其書入中國者甚多天文算法尤多蓋皆九執術之遺也  
唐書西域傳天竺善步歷學悉曇章云是梵天法又歷志九執  
術法梵天所造五通仙人承習傳授隋經籍志天文類有婆羅  
門謁伽仙人天文說三十卷捨仙人所說天文經二十一卷婆

羅門天文一卷歷數類有婆羅門算法三卷算經三卷陰陽歷

算一卷

又小學類有婆羅門書一卷地理類有婆羅門法師外國傳五卷五行類有謁伽仙人占夢書一卷醫方類有

婆羅門藥方五卷諸仙藥方二十卷唐書藝文志歷算類有都利聿斯經二卷云傳自西天竺吳氏郡齋讀書志五行類有星經三卷云以十二曜宿十二宮宿度以推人貴

段壽天休咎不知其術之所起或云天竺梵學也

摩尼之教見

於史傳者唐書回鶻傳元和初以摩尼至其法日晏食飲水茹

葷屏湏酪可汗常與其國摩尼至京師歲往來西市商賈頗與

囊橐爲奸武宗初年命有司收摩尼書若象燒於道產貲入之

官舊書憲宗紀元和六年正月回紇請於河南府太原府置摩

尼寺許之八年十二月二日宴歸國回鶻摩尼八人長慶元年

五月回鶻宰相都督公主摩尼等五百七十三人入朝唐會要

貞元十五年四月以久旱令摩尼祈雨宋史外國傳于闐國摩

尼師貢琉璃瓶二胡錦一段大食國遣使婆羅欽三摩尼等來貢方物摩尼等對於崇政殿又高昌國有摩尼寺波斯僧各持其教佛經所謂外道者也錢竹汀景教考引志磐統紀梁貞明六年陳州末尼反立母乙爲天子案母乙事見五代史不云末尼明史西域傳隋開皇中撒哈八撒阿的幹葛思始傳回教入中國曰教創於摩哈默德回回歷亦爲所創元史明史歷志王寅旭梅勿庵李尙之諸人皆詳其法而明史及李氏回回歷元考尤詳回歷有宮分年有月分年宮分年以三百六十五日爲一歲歲十二宮宮有閏日凡百二十八年而宮閏三十一日所謂不動之月也月分年以三百五十四日爲一周周十二月一大一小相間月有閏日凡三十年而月閏十一日所謂動之月

也回教最後出故其歷法兼采中西月分年用中法宮分年用

西法不用閏月而分十二宮與今西歷正月至西歷本於天竺之九執歷時人傳已言之摩哈默德創教

在隋開皇十九年己未故宮分年以己未爲歷元其卽王位在

唐武德五年壬午故月分年以壬午爲歷元明史謂摩氏建國

在開皇己未王寅地謂歷元在武德不在開皇皆誤也李肖之

人傳均已論及惟謂其巧藏根數以惑人則非當隋之時摩氏尙未建國而其教已入

中土殆由隋勤遠略之故歟杭大宗續景教考以摩尼爲回教

其說良是又以回鶻爲回回回鶻卽回紇後魏之鐵勒唐初之

特勤元之畏吾兒皆回紇音轉案陶南邨輟耕錄載色目三十

二種有畏吾元卽回紇又有回回元史亦分爲二族回鶻在今

外蒙古科布多塔爾巴哈臺諸地高昌在今土魯番距天方皆

甚遠顧亭林謂回鶻卽回回錢竹汀曾辨之杭氏之說王蘭泉亦辨之然邱長春西遊記劉觚西使記於回回種類多稱回紇元史姦臣傳阿合馬回紇人也而世祖嘗言回回人中阿合馬才任宰相又耶律文正作回回歷名麻荅把歷而輟耕錄以爲回鶻歷名元遺山集恆州刺史馬君神道碑云出於花門貴族花門卽回回而篇中又言回鶻梵唄之所是皆稱回鶻爲回回蓋其部落酋長雖回鶻種人而其俗自唐以後已從回教故二名混稱元時已然顧氏杭氏之言未爲盡誤也天方爲回教祖

國今之阿剌伯唐之白衣大食也默德那

卽麥地拿

乃阿剌伯之屬

地摩哈默德曾避難於此卒後因葬焉明史分天方默德那爲二國蓋承舊文之誤黃省曾西洋朝貢典錄已疑之新舊書皆

云有摩訶末耆勇而智眾立爲白衣大食之主闕地三千里摩

訶末卽摩哈默德之對音

明史天方傳作馬哈麻默德那傳作謨罕焉德實一人也明史言謨罕焉

德生而神靈西域諸國尊爲別諸拔爾猶言天使案元史賽典赤瞻思丁傳云回回人別庵伯爾之裔劉械西使記云報達郎斯之西馬行二十日有天房內有天使神胡之風葬所也師名癖顏八兒經文甚多皆癖顏八兒所作別庵伯爾癖顏八兒皆別諸拔爾之對音也回教書亦謂之派噶木巴爾其敘由收人其經最大者名甫爾加尼凡六千六百六十六章

起兵之事亦皆與回教書合通典邊防門言大食敬事天神又

引杜環經行記曰

環爲杜君卿族子隨高仙芝西征天寶十載至西海寶應初回賈船自廣州而回著經行

記大食俗一日五時禮天有禮堂容數萬人每七日王出禮拜

登高座爲眾說法曰人生甚難天道不易姦非劫竊細行謾言

安已危人欺貧虐賤有一於此罪莫大焉凡有征戰爲敵所戮

必得生天殺其敵人獲福無量又云西國凡用大食法者不食

豬狗驢馬等肉不拜國王父母之尊不信鬼神祀天而已七日  
一假不買賣不出納惟飲酒謔浪終日其大秦善醫眼及痢或  
未病先見或開腦出蟲唐書亦言大秦人開腦出蟲以愈目皆  
此蓋西土舊俗不得卽以此爲天主教之證也回教有二派摩  
哈默德之派曰色底特士教今阿剌伯諸國奉之摩氏傳其壻  
比阿釐別爲比阿釐教今土耳其波斯諸國奉之今回疆亦奉之比阿釐傳  
二十五世至馬木特額敏其季子曰馬木特玉素唐書西域傳  
遷喀什噶爾至乾隆時之大小和卓木又四世矣  
永徵二年大食王微密莫末賦遣使朝貢自言王大食氏有國  
三十四年傳二世微密莫末賦卽比阿釐之對音也摩哈默德以唐高祖  
五年登王位爲後妻愛沙所毒後妻之父亞彪巴比結爲大教  
師回俗之大教師卽其王也巴比結傳阿馬爲波斯拜火教徒  
刺死阿馬傳阿多曼亦被殺乃傳比阿釐比阿釐者摩哈默德  
之從子而娶摩哈默德之女執教權摩氏卒時次當嗣位爲愛

沙所損不得立後屢與愛沙戰勝乃立之回教至是已四傳矣  
唐書謂傳二世蓋不數巴比結阿馬阿多曼也通典云初王已  
死次傳第一摩首者今王卽是第三其說近是四裔年俞理初  
表比阿釐之立在永徽六年以唐書核之亦當有誤  
謂佛經達緣品恒河邊有摩尼跋羅天祠引以爲摩尼之證佛  
在回教未興前干有餘年所云摩尼跋羅則是一人理初誤也  
大秦之教見於史傳者梁書諸夷傳滑國車師之別種事天神  
火神每日則出戶祀神而後食南史同魏書波斯國俗事火神  
天神周書同舊唐書波斯俗事天地日月水火諸神西域諸胡  
事火祆者皆詣波斯受法其事神以麝香和蘇塗鬚點額及於  
口鼻用以爲敬以六月一日爲歲首新書略同宋史外國傳天  
竺婆羅門僧與波斯外道阿里煙同到京師亦見日髡傳僧徒  
稱他教爲外道此卽波斯火教亦卽大秦教也摩醯首羅者譯



云大自在天一切經音義翻譯名義集文苑英華有願況虎邱  
西寺經藏碑引作謨呼羅摩海醯首羅大自在天見大般涅槃  
經及四分律其神三目八臂騎白牛執白拂有大威力能知大  
千世界雨滴之數釋典多寓言其事不足深論要必實有其人  
元奘西域記波羅痾斯國有天祠百餘所外道萬餘人並多宗  
事大自在天或斷髮或椎髻露形無服塗身以灰精勤苦行求  
出生死阿點婆超羅國有大自在天祠祠宇彫飾天像靈鑒塗  
灰外道遊舍其中其他如劫比羅伐窣堵國聖醯掣咀邏國劫  
比他國狼揭羅國跋虜沙城皆有自在天祠跋虜沙并有自在  
天婦像謂之毗摩天女又烏鐸迦漢茶城有波爾尼仙欲刪定  
字書道遇自在天遂伸述作之意自在天曰盛矣哉吾當祐汝

仙人受教而退拈摠羣言作爲字書是摩醯首羅固彼中道術之士愛重文學者也阿育王經阿忽伽王供養眾僧諸婆羅門外道皆生嫉妒有一善呪婆羅門呪身化作摩醯首羅飛到王門諸婆羅門從之王欲供養摩醯首羅等言我之所食食剝頭禿人王乃召尊者耶奢以試之其七歲沙彌請行將五百婆羅門卽時噉盡王共沙彌到寺見五百婆羅門皆剝除鬚髮披著法衣在眾僧下行末座五百人心生慙愧皈依佛法得須陀洹道

原文甚長今約其意佛說須陀洹者七死七生便證阿羅漢果

法苑珠林引禪秘要云其身

香潔如波羅人中香象龍王力士摩醯首羅所不能及案佛以

摩醯爲香潔諸外道又幻摩醯之形以求勝可知其教盛行於

印度矣一切經音義引外書云

卽外道之書

苑伽河

卽東恒河

本入摩醯

首羅天頂從耳中流在地上以此天化身在雪山頂

今亦名興都哥士山

興都卽印度對音

故作是說然則北印度當有摩醯化身也四裔年表

周靈王二十一年瑣羅阿司得著經書爲波斯之聖萬國史記  
日本人著波斯教法之祖曰瑣羅斯的其說有二神以統宇宙  
一曰和爾摩爲善神或譯作和摩斯大亦作阿目木斯一曰亞  
利漫爲惡神爭鬪不止至一萬二千歲後和爾摩大捷而天下  
之惡皆消又曰公道者赴樂土之梯航也雖暴惡者苟能悔過  
淨刷塵心亦得受無限福報日月星以和爾摩大能力造之碑  
中鼓元風而生二氣日月運而晝夜作卽此不可不敬他如地  
水火風亦當加敬故太陽以下諸神列於祀典者甚多西書言  
其教無神像而有祭司築壇高山之上壇中燃火晝夜不息謂

此火光爲神所燃祭司又有問鬼等邪術觀其教旨略與釋氏相近而和爾摩造日月星卽西教中耶和華造天地之誕說也  
此言三一妙身阿羅訶卽瑣羅阿司得之對音司得二字輕音可有可無譯語類然若萬國史記脫去阿字則還音不合矣  
其三分身彌施阿卽摩醯首羅之對音錢竹汀元史考異引至元辨僞錄云釋道兩路各不相妨今先生言道門最高秀才人言儒門第一迭屑人奉彌失訶言得生天達失蠻呌空謝天賜與細思根本皆難與佛齊案彌失訶卽彌施阿迭屑乃奉火教者邱長谷西遊記云宿輪臺之東迭屑頭目來迎輪臺在今阜康縣西  
此唐輪臺縣地長安二年始設非漢之輪臺也則是新疆之地元時亦有火教矣達失蠻乃回教中修行者元史武宗紀作答失蠻猶今回

教之稱阿羅也。俞理初謂佛本行經之阿羅邏卽此碑之阿羅訶說亦近之。據西人紀載佛與阿羅訶年代固相接也。四裔年表周景王二年釋迦卒或云生於景王五年按釋迦之生傳聞不一卽彼教亦不能詳西域記曰自佛涅槃諸部異議或云千二百年或云千三百餘年或云千五百餘年或云已過九百或云未滿千年今參稽眾說當以生景王年間者近是自景王至唐貞觀幾及千二百年而達摩爲迦葉二十八傳弟子以梁普通三年入中國去景王千有餘載計其時代固略相當也。釋迦嘗問法於阿羅邏告以五大之義。謂地水火風空也。案地水火風爲四元行今西土偏用其說惟回教有七行於五行外以氣爲一行風雲雷電之類是也。靈活爲一行飛潛動走之類是也。觀此可知回教西教皆出於釋教回教兼采儒家之義故不廢五又言阿羅邏在邊地作主行而釋氏之稱五大實本於火教也。

皆見佛本行經佛謂天竺爲中土他國爲邊地此之邊地卽指波斯以釋典證諸西書亦無不合或乃謂佛生於周昭王穆王平王莊王惠王襄王之世或且謂生於殷末皆僧徒夸飾未足爲據漢書西域傳匈奴破大月氏大月氏南王大夏而塞王南君尉賓塞種分散往往爲數國自疏勒以西北休循捐毒之屬皆故塞種顏監注塞音先得反卽所稱釋種也此中國言釋教之最古而可信者餘皆不免附會捐毒與史記之身毒乃天竺對音卽今五印度此之捐毒在通典謂摩醯首羅爲胡祇神又以取火呪詛之事今布哈爾繫諸祇祠祇神與火神初非一教惟姚寬以摩醯爲火祇者得之通典所云蓋以祇神爲夷教總名故得通稱耳摩醯與摩西音近碑又有室女誕聖於大秦判十字以定四方二語故天主

教遂橫以爲證然回教亦有十字交線之說十字本無定在安知波斯火教不亦有是言耶碑稱大秦乃今土耳其東部之地當夏商時爲巴庇倫所居卽外國地理備考之巴必羅尼亞周景王九年波斯王居魯士卽四裔年表之西魯滅巴庇倫而有其地火教由是西行波斯旣衰巴庇倫屬希臘希臘爲羅馬所滅地入羅馬羅馬後分爲二東羅馬復見滅於土耳其羅馬在歐洲爲一統之世卽班書之犁軒苑書之大秦也桓帝延熹九年其王安敦遣使自日南徼外獻象牙犀角瑇瑁見後漢書桓帝本紀西域傳是爲歐洲通中國之始四裔年表之安頓尼奴不我探路記之安棠尼皆安敦對音表言是時羅馬有兩王其一名亞利利爾非路爲安敦之副羅馬曾爲民主之國其立兩王無足異東晉孝武帝時羅馬分東西二國東羅馬卽隋唐之拂菻徐松龕謂拂菻乃耶路

撒冷對音是也當隋唐時教王威權已盛耶穌墓在耶路撒冷

今土耳其屬地故拂菻之名特著因以其名被諸海西之大秦魏晉以

下諸史多言天竺波斯大食與大秦相接皆指東羅馬而言證

諸西書地望悉合西域記亦言波斯西北接拂菻國境唐史

以拂菻為大秦語本不誤後人譏之未明彼中分合之故耳元史

愛特傳愛特百城弗林人封秦國公卒追封拂林王案弗林拂

菻皆拂菻之異文所封秦國亦取大秦為名世祖紀至元十年

改曰回愛特所立京師醫藥院名廣惠司稱愛特為回日者蓋

拂菻之唐以後為天方所滅久從回教逮憲宗滅天方而有

其地故愛特入仕中朝是時土耳其尚未興也唐書西域傳高

昌國獻狗高六寸長尺能曳馬銜燭云出拂菻此即今之洋狗

亦以拂菻為大秦晉書四夷傳太康中大秦王遣使貢獻舊書西域傳

貞觀十一年拂菻王波多力遣使獻赤玻璃綠金精等物後屢

遣使朝貢

探路記貞觀十七年鄯林國遣使唐朝鄯林即今法國此法人自記其國之事當無虛謬而唐史失載



梁書諸夷傳孫權黃武五年大秦賈人字秦倫來交趾交趾太守吳邈遣送詣權時諸葛恪討丹陽獲黠歙短人倫見之日大秦希見此人權以男女各十人差吏會稽劉咸送倫咸於道物故倫乃徑還本國大秦拂菻自漢以後貢使屢通宋史乃言歷代未嘗朝貢何耶魏志注引魚豢魏略云大秦道既從海北陸通又循海而南與交趾七郡外夷北方又有水道通益州永昌故永昌出異物前世但知有水道不知有陸道案魏略所云陸道乃由安息之安谷城西行至大秦晉唐貢使當由此路其所云水道卽安敦始通之道益州永昌爲今雲南永昌府出騰越

徼外地屬緬甸今西人輪船溯大金沙江至緬甸之新街

亦稱登基

去騰越僅五百里

大金沙江上流爲雅魯藏布江至新街會境  
椰江又南入海西人謂之伊拉瓦底江黃氏

西輶日記云伊拉瓦底江自別牟以下分爲無數支派左支流經漢貢南行五十餘里而入海正幹則西南經跋散又稱跋散江其模兒面乃潞江入海之口案西書多言緬甸地與東印度相接故魏默深謂安治土河會大金沙江入海語雖未確而準以地望固不甚遠緬甸卽唐之驛國唐書南蠻傳驛國西接東天竺今緬之麻爾古與東印度孟加臘接界黃氏謂大金沙江距孟加拉五六千里者乃以海道計之故與諸書不同也探路記言潞江至孟加拉近處通於剛治河孟加拉在東印度剛治或譯作安治土卽佛書所稱恒河潞江出後藏流經緬甸入海與東恒河似無相通之理蓋西人於緬甸安南暹羅南掌諸國皆稱爲遠印漢魏時緬甸未通中國唐書驛國古爲朱然其海度故云然耳

口已通夷貨北賈永昌

魏書西域傳亦言大秦水道通永昌

孫吳之初復有拂菻

商人至交趾蓋自周顯王末年印度爲希臘王亞力山德所取拓地至東恒河自時厥後賈舶流通南洋諸國久與互市履霜堅冰其所由來者漸矣魏略又言大秦常利得中國絲解以爲胡綾是中國之絲見重於西土者已久四裔年表晉太始十年

有人以中國絲攜往西國蓋其先惟知與安息互市於陸路自  
安敦遣使後乃由海道漸得中華之物產後漢書言安息欲以  
漢繒絲與大秦交市故遮闕不得自達其言固信而有徵也唐  
書謂拂菻臣役小國數十其以名通者曰澤散曰驢分東渡海  
二千里

案此為地中海唐書所紀皆歐洲之俗其云拂菻乃舉  
羅馬全境言之非僅指其東部也故此云東渡不云西

渡至驢分國魏略亦云驢分王屬大秦其地去大秦都二千里

從驢分城西之大秦渡海飛橋長二百三十里

案飛橋數百里  
范史亦有是言

瀛寰志略謂卽他大尼里之海峽乃黑海地中海相通之處秦  
秋時波斯王澤耳士伐希臘嘗造浮橋以渡軍相傳古時有石  
橋圯廢久矣職方外紀度爾格有一海長四百里廣百里命曰  
死海其西北有那多里未亞西界歐羅巴處中隔一海寬五里  
許昔有名王曰失爾塞造一跨海石梁通連兩地度爾格卽土  
耳其死海卽黑海失爾塞卽澤耳士那多里未亞今爲俄國屬  
地羅馬或譯作羅汶卽驢分之對音魏略所稱驢分卽今土耳

其之東部所稱去大秦都二千里即羅馬之東都

在君士但丁城此蓋

專以東部地爲驢分不知大秦之在歐洲其本名亦稱驢分也

然則漢魏時固已知有羅馬并不獨以犁靬大秦之名通於上

國矣

犁靬名見班史疑即希臘之轉音漢時希臘雖併入羅馬而其故名至今尚存魏略言譯散王屬大秦在海中央今

英吉利本畢丹舊地畢丹之音頗近譯散在海中而屬大秦似

亦相合然魏畧又言譯散與安息赤谷城相近安息即今之波斯則譯散必非英吉利或其

國在黑海東紅海之中歐舊唐書大食強盛漸凌諸國遣大

將軍摩機伐拂菻都城四裔年表貞觀十一年沙蘭生破東羅

馬都城王出奔沙蘭生即白衣大食之別部其事與舊書正合

唐書西域傳沙蘭東距羅利支北恒滿皆二十日行西即大食

二十五日行天寶六載入貢封沙蘭王卑路斯威日順禮王

惟表言貞觀二十年希臘人引中國及土百其攻取埃及之亞

力山德城

此城在周時爲希臘王亞力核諸唐書初無是事案山德所取故即以其名名之

及在阿非利加洲阿洲之國見於唐書者惟磨鄰與老勃薩疑  
卽今老勃薩之摩洛各摩鄰無可考今土耳其東部有摩洛鄰  
然距阿洲尙遠非唐之摩鄰也通典引杜環經行記曰摩鄰國  
其人黑其俗儻少米麥無草木馬食乾魚人食鰐莽鵲莽波斯  
棗也瘴癘特甚其說與唐書同與今西人言阿洲風土亦合西  
洋朝貢典錄忽魯謨斯天方等國皆有萬年棗一名柴沙布當  
卽鵲莽矣  
歷史言西洋諸國者莫詳於魏略自澤散鹽分以下凡十

餘國皆有道里可稽惟云大秦西有河水赤水黑水西王母流  
沙之屬爲與今不同耳古書若穆天子傳人多疑其荒忽而道

里風俗證以今之地望大致皆合

巨蒐卽禹貢之渠搜河宗之國當在積石左右崑崙邱卽

爲幣爾雅言西北之美者有崑崙虛之璆琳琅玕卽今和闐葉爾羌是也崑崙崙而西人多膜拜乃西戎之舊俗佛書所云南無卽膜字之切音西王母國名見爾雅釋地大戴禮少閭篇尙書大傳竹書紀年淮南陸形訓其人虎齒蓬髮戴勝殊形藐服外夷多有之非異事也其以王母名國者當如唐書東女國西女國之比蓋西人重女子之俗彼時已然賈誼新書修政語篇堯教化及隴題蜀越燕交趾身涉流沙地封獨山西見王母訓

及大夏集搜北中幽都及狗國與人身鳥面及焦僊其言諒非  
無據也自秦漢方士盛惑時君始以西王母爲神仙司馬長卿  
大人賦言其畧然自首真以諷諫而武帝不之悟此猶方士稱  
倭地爲三神山世主方欲甘心而徐市已爲海外虬髯矣穆天  
子傳云自宗周至河宗三千四百里自河宗至崑崙邱四千里  
自崑崙邱至西王母三千三百里又北至騶原千九百里自宗  
周至西北大曠原萬四千里所言道里亦近翔實史且古時用  
記謂條支有西王母地猶可考非齊諧志怪之比也

玉甚多

逸周書武王伐商俘舊玉億有百萬語雖闕誕而成湯

用金爲數甚多

復不用錢幣而用貝貝出南海玉出西域皆非

皆後世所罕見

中國所有而古人以爲財賄苟使聲教阻隔安能貨物流通由

此觀之三代以前幅員甚廣鄒衍之言九州亦有所本非盡由

臆測也

禹貢言西被於流沙朔南暨則北自冰海南自赤道以下皆聲教所迄之地古時人類未替爲禹施功所弗及故禹貢不詳其山川物產耳今流沙橫互蒙古新疆之間其在中國界外者自蔥嶺以西直走阿剌伯入阿非利加洲黑水爲今大金沙江弱水爲今青海史漢又有條支弱水之說則尤遠矣禹貢惟雍梁二州地最遼闊雍之瑯琊琅玕梁之狐狸織皮

西極藏衛和闐皆在九州之內若遠及要荒更無論也

摩醯首羅蓋爲羅馬教宗而蔓延

及於印度故釋典屢稱之天寶之敕謂波斯經教本出大秦實則大秦本出波斯東羅馬舊爲波斯屬地唐初波斯滅於大食已改從回教而來唐傳教之阿羅本乃東羅馬人因遂據爲己有耳阿羅訶創教在周靈王時摩西遠在其前碑不應轉以爲阿羅訶之分身若卽以彌施訶爲耶穌則對音不合至室女誕聖謬託神靈西俗男女無別此無足異摩醯首羅之誕生當亦與耶穌同未可據爲天主教之證七時禮讚七日一薦外夷之教類然尤不得據爲天主教之證也摩西教今謂之猶太教

或由

地理備考謂之人德亞古教卽如德亞也如德亞今隸土

耳其乃耶穌誕生之地本猶太人所居其種人稱以色列

或譯作希

伯來初屬巴庇倫繼屬波斯屬埃及屬西里亞後屬羅馬卒爲所

滅猶太種人散之四方今在俄地者尤多俄人以異教之故頗

虐待之

航海述奇四編俄國有猶太教人二百六十一萬佛  
教火教人共二十五萬法國猶太教人四萬九千四

百有奇教長  
皆給以俸

其教行割禮而不食豕肉與回教同蓋此本摩西

以前舊俗故摩西用之亞刺伯曾奉猶太教

見萬國  
史記

故摩哈默

德亦用之回教出於天主天主出於猶太而新教既興必欲盡

滅舊教黨同伐異殺人如麻斯所以爲夷俗耳天方典禮言凡

我中域不容歐若堂不容祝虎院歐若堂卽天主教祝虎院卽

猶太教俗謂之挑筋教因行割禮故得此名又云所宰殺爲穢

物者勿食歐若巴人祝虎地人明以主名宰者可食若以耶穌

之名或母撒之名宰者勿食歐若巴卽歐羅巴母撒卽摩西見



後海國圖志引華事夷言云中國有由斯教其人甚少只散在鄉間單身修煉地理全志謂挑筋教今河南開封府有之亦未知其何時入中國也摩西成舊約全書四裔年表繫諸商太戊二十三年西人紀載多以爲在耶穌紀元前一千四百九十年則後於太戊百餘年未知孰是

瀛寰志略謂在沃丁時或又謂在夏后不降時皆誤

當周赧王時埃及國王曾以希臘語譯舊約秦始皇時馬其頓人將舊約譯成希利尼文字

希利尼即希臘馬其頓爲希臘十二邦之一

周平王末年猶太王哈昔開埃重興耶和華教是其教在商時尙未甚顯至周秦間而大行耶和華者猶太所奉之神彼以上帝稱之猶西頓人之以亞大綠爲上帝耶路巴力人之以巴力比耳爲上帝也

均見舊約

夫天一而已何上帝如是之紛紛蓋各奉一神卽各自以

爲上帝矯誣上天以布命於下必如是而始便其私計耳佛說  
禰寶藏經波羅柰國有梵志在山中住大小便利於石上精氣  
隨出雌鹿來吮卽便有身生一女子端正殊妙惟腳似鹿梵志  
取之一切經音義梵志譯言淨裔云是梵天之苗裔也養育長  
成梵志事火使火不絕此女宿火小不用意使令火滅有餘梵  
志離此住處此女往彼乞火素鹿女後爲國王小夫人生千子  
卽賢劫千佛小夫人將乳五百道墜千子口中法顯佛國記曾  
及其事鄭注水經亦引之佛以鹿女爲前生之母荒誕無稽而  
梵志事火則固西土之舊俗也賢愚因緣經優婆鞠提品云梵  
志或事日月翹腳向之或復事火朝夕燃之此皆波斯火教西  
域記摩揭陀國伽耶山東南有二峯堵波則伽耶迦葉波捺提

迦葉波事火之處茂羅三部盧國天祠八所異道雜居有日天  
祠莊嚴甚麗其日天象鑄以黃金飾以奇寶女樂迎奏明炬繼  
日鞞若鞠提國有日天祠祠南不遠有大自然在天祠各有千戶  
供其灑掃鼓樂絃歌不舍晝夜伊爛拏鉢伐多國有長者家祠  
日天每晨朝時東向以拜海國圖志引每月統紀傳云亞刺伯  
古時崇太陽星辰以爲神西書言周宣王三年巴庇倫王尼希  
甲尼撒重修巴庇倫城宏做壯觀南懷仁坤輿圖說字內七大  
宏工有巴必蠻城卽此城也  
中有太陽神廟甚高祭司以爲觀象臺又云斐尼西亞人卽腓  
尼基  
在地中敬拜太陽神名摩洛造大像內生烈火將嬰兒置之像  
海旁  
懷烙死以爲免神之震怒摩洛或作密君舊約亦言  
毋焚爾子女以獻摩洛又云羅馬  
城內有一廟以古銅造成名扎努廟卽漢書志略  
之猶納廟乃太陽神廟

也國有軍事則開廟門軍罷則閉羅馬常有軍旅八百年間只

開廟門三次諸利安

或譯作玉來安

為西羅馬帝亞耶穌教徒喜古時

拜神之禮用牛百隻在太陽神前獻祭西里亞

今土耳其屬地

有巴西

阿努者曾為祭司後為東羅馬王創修太陽神廟自稱伊拉嘎

魯

譯即成神之意

又云皮魯國

即秘魯在南亞墨利加州明末為西班牙所併改從天主教至道光初年始自

立

有太陽神廟極華麗皮魯人自言開國首君由太陽面來為

太陽之子又云耶穌前五十年羅馬興師攻畢丹

今英吉利地

畢丹

人敬拜諸神其守寺院者曰度以

譯即法術之意

有法術歲令眾人盡

滅其家之火盛設供獻以授主持然後得取聖火

英國志謂之德雷的斯教

教士分三等獄訟悉自主持殺人以祭破腹觀其臟腑以視神

之喜怒當羅馬征英時思滅此教有教士誣敵設大火聚聲言執羅馬人盡投於火又謂德雷的斯之祭壇今遺迹猶存蓋其俗與野番略同西士古時多信術士自謂前知復多邪術如紅

教喇嘛之所爲摩西之上山大發耶穌之驅鬼治病皆其類也  
班史言摩西有幻人范史注引魏略言大秦俗多奇幻口中出  
火自縛自解通典言摩西幻人能額上爲炎燼口中作江湖  
舉足而珠玉自墮開口則燐脂亂出其俗固自昔爲然矣據  
諸書所言火教之傳甚廣耶穌未興以前歐洲大率皆從之民  
非水火不生活古之火正或食於心或食於味中國未嘗不有  
此俗日爲陽精敬拜太陽禮亦宜之至造爲種種怪誕之說民  
乃翕然信奉而不疑是則西土古時之民亦甚易愚耳四裔年  
表虞舜四十三年波斯禁民拜日其事之有無不可知然足見  
西人敬火之風由來已久惡習相沿遂有殺人以爲供者瑣羅  
阿乃因其舊俗而立教以化導之斯所以爲波斯之聖歟四裔  
年表周敬王四十四年西地人攻波斯之白得利拜火教師死  
之西書言東晉末年天主教徒在波斯滅一拜火之廟王召教

師命之重建不從王怒盡滅天主教萬國史記唐貞觀十八年  
亞刺伯大教師爲波斯火教徒所刺死案此卽阿馬被刺之事  
已見前蓋是時天方勃興波斯爲所吞併強易其教法故拜火  
教徒憤而刺之厥後卒改從回教唐會要龍朔中波斯王卑路  
斯奏願被大食侵擾請兵救援後使裴行儉將兵送卑路斯還  
國以路遠至安西碎葉城而還景龍中其國遂滅西部祇猶存  
然波斯之教雖改而火教至今未滅瀛寰志略乾竺特在回疆  
之南孟買在西印度二部仍有拜火之俗西書言火教爲回教  
徒陷害時多徙於孟買惡未與有太陽火神古殿海國圖志引  
每月統紀傳麥西國卽埃及有旁教或拜日或拜火地球圖說  
白耳西亞國卽波斯之對音有拜火之教名曰太陽教外國史

略白西亞國喜拜太陽火焰列國歲計政要波斯以希阿教爲  
宗卽比阿釐回教有猶太拜日兩教人束縛之使不自由西人  
名火教爲巴西教巴西亦波斯對音與南亞墨利加洲之巴西  
名同而地異朔方備乘俄羅斯是爾彎部卽外國史略之治耳  
文城在裏海西本波斯地有火田石漿溢滿地常熱灼波斯之  
敬火者皆來朝拜外國地理備考亞美里加洲及厄羅斯國卽  
俄國之西卑里亞卽與我新疆蒙古接界之地阿非利加洲之  
亞比西尼亞國在西紅海旁今洋船東來必經其地瀛寰志略  
謂卽元之馬八兒魏默深以馬八兒爲麥西卽埃及  
無確證然元史之密昔爾卽麥西對音與馬八兒自是兩地魏  
說恐非今其國所奉之教參合舊太耶穌兩教並奉耶穌之母

馬利亞皆有從大秦教者則不獨火教尙存并大秦之名亦未改也且備考於大秦特稱古教凡習大秦教諸部或有用公教者或有用修教者皆別白言之備考爲西人所著而大秦之不同於天主自有明徵乃坤輿圖說諸書牽合爲一以張洋教之說此碑崇禎間始出土錢竹汀景教考謂萬厯間出土此從來齋金石考關中金石記云碑在西安府崇聖寺南懷仁輩何從知之蓋中土文士如徐光啟李之藻者流爲之潤色徐李等皆彼教中人亦無足深責耳徐文定從洋教見文秉烈皇小講及利瑪竇幾何原本序蓋彼時非入其教不能得其歷算之學也案公教卽羅馬天主教亦曰加特力教爲耶穌大弟子比得所傳或譯作比愛卽臘二百年間傳二十世其十九人皆見殺方外紀之伯多祿



明帝時羅馬王甘站丁乃弛其禁康帝時各教士會議凡教事皆受命於教王自是勢遂張唐宋以來威權日盛至路得創新教後而漸衰近日則益替矣今法蘭西諸國奉之修教卽耶穌新教亦曰波羅特士頓教譯卽抗拒辨論之義起於明武宗時其中又分路得東盈黎甲爾文三派甲爾文卽地理備考之加爾威諾今英吉利諸國奉之此外尙有希臘教亦曰厄肋西教希臘種人稱厄肋西卽希利尼之對音或譯作額力西爲耶穌私淑弟子保羅所傳或譯作巴爾卽職方外紀之寶祿今俄羅斯諸國奉之修教乃後出者以改正羅馬教爲名故百餘年間爲教王焚斃者甚眾路得之先四百餘年有瓦敦士會亦斥羅馬教後又別爲老拉會教王立苛察會以禁之被殺者亦其先惟比得保羅二派二派之徒積不相能至唐懿宗時東羅馬遂別爲厄肋西教耶穌之有二人猶宗喀巴之有達賴

班禪也耶穌未出之前希臘已有瑣格底彼都即西學考略之布拉多諸

人異其先聲他如猶太之撒士該會希律會衣士尼會迦來底

會皆本摩西舊約而小變之以自異於眾迨耶穌興後教會尤

多其所爭辨皆極可笑夷俗之陋固無足異也至希臘舊時本

奉神教其說以爲混沌初分生一神曰太灘後有一神曰猶皮

特與太灘戰而獲勝遂立天王位於歐林普山掌地上事有普

魯透神掌陰間事有尼皮圖神掌水中事有阿哀羅神能預定

未來事國中有四大祭其二四年一舉其二二年一舉希臘舊

分十二邦有急事則羣集法勒斐廟禱阿哀羅神萬國史記之墨爾克利自

法勒斐對音蓋誤教中大旨謂人生自始至終有神同在感動

以廟名爲神名人之心志約束人之行爲死後按善惡獲報極善者至以利西

恩島受快樂極惡者至他他魯受苦難常人則至非明非暗之

地如在夢中按其教法與張魯之祀三官略同天堂地獄之說

則又爲釋回耶穌諸教所襲用

當猶太屬西里亞時將耶路撒冷城中耶和華廟改爲猶皮特

廟勒令百姓以豕肉祀神蓋西里亞未從火教以前其所奉神教與希臘同

希臘自漢景帝時爲羅馬所滅羅馬初奉神教傳自希臘後乃改從天主至周世宗時

俄王后哦噶親至君士但丁城受厄肋西教而其子弗從宋端

拱元年俄王弗拉得莫爾欲革舊俗從洋教

舊俗祀武神名比魯尼大有戰事則

以人爲牲禱之

又不屑至希臘受洗禮遂興師攻東羅馬之格兒生城

半載弗克將去之而教徒爲內應城遂陷并脅娶羅馬王妹受

洗而歸至明萬歷間始自立教長

案俄以其王爲總教長與同俗同與西俗異

蓋是

時東羅馬已爲土百其所滅故也

俄史韋譯萬國史記參各西書

俄與希臘同

教故希臘雖久屬土耳其而近時藉西人之力得復立國俄屢藉口於此以攻土耳其一以同教之故一欲多樹土耳其之敵以披其勢耳今自蔥嶺以西至地中海有浩罕布哈爾機霍印度阿富汗波斯阿刺伯土耳其諸回部印度本數十國見於佛國記西域記者甚詳今十九爲英所併浩罕布哈爾機霍亦爲俄所併隋唐之時土耳其未興地屬拂菻阿刺伯方盛兼併波斯而中國兵力遠及蔥嶺以西故摩尼自天方來卽阿刺伯祇神自印度來大秦自拂菻來三者皆非天主教唐以後天主轉盛而火教神教並微差足與之頡頏者惟摩尼回教耳天主出於摩西實則本諸釋氏天堂地獄固撫釋氏之唾餘釋氏亦有本天堂生於人心亦釋氏明心之淺說其十誠所云我外無

神者卽釋氏惟我獨尊之旨釋迦生時行七步而自言曰天上地下惟我獨尊耶蘇死後見形告門徒曰天上地下一切之權盡以予我其沿襲之迹尤顯然釋氏第託諸空談耶蘇乃見諸實事遂以禁拜偶像爲教中大節目而祖宗父母且有所不恤焉尊心之弊乃至於斯亦釋氏所不及料也摩西耶蘇同以上帝惑人摩西自稱上帝之僕耶蘇則稱上帝之子遂不認其父母事見新約兼愛無父豈虛語哉考但支人始拜偶像適在摩西創教之時見四裔年表摩西安能預爲禁絕萬國史記謂羅馬拜眾像神而東羅馬王阿勒第三及其子深惡之以爲回人侵掠諸國皆教徒拜像之惡風所致是其始禁猶未甚嚴也後乃一切絕之蓋釋氏像設最盛耶蘇旣陰用釋教之旨而於此獨設爲厲

禁以滅其迹并以是言託諸摩西可謂作偽心勞矣歐洲政教  
傳自希臘希臘本諸埃及埃及本諸印度當周末時埃及佛教  
盛行今猶奉佛見每月統紀傳蓋回釋二教並用也外國史略  
埃及及民工藝術奉僧如神周顯王時自西國來攻毀佛菩  
薩像希臘王隨之遂降而希臘與波斯尚奉火教自亞力山德  
全西白西即波斯封音兼并埃及才俊並興比多里彌士等遂爲西方藝事之祖其先  
立國雖久榛狂未戢亞力山德旣取埃及復攻印度東方之化  
漸被歐洲是時釋教當已西行故耶穌多襲其說而西人則諱  
莫如深也十誠之後六誠與釋氏五戒同回教又本耶穌而小  
變其說天方典禮阿丹傳施師師傳努海海傳依卜拉欣欣傳  
易司馬儀儀傳母撒撒傳達五德德傳爾撒爾撒去世六百餘  
年而後摩哈默德生俞氏癸巳存稿夏氏中西紀事皆謂爾撒

卽耶穌是也俞理初引同回幹爾塞經云爾撒亦阿丹之後立  
異術爾撒告妻畏人精髮妻於是夜暗繫其髮仇至遭擒便被  
殺害其徒憤恨天不垂佑乃奉天主不復事天案耶穌爲其門  
徒與妻所負然情節略殊又無戰勝攻克之事惟西書言參孫  
縛髮事與此同爾遠在耶穌之前亦非立教敬天之人蓋回教  
故爲此錯互之詞以掩其剿襲西教之迹耳天方典禮所稱阿丹卽創世記之亞當

依卜刺欣卽創世記之亞伯拉罕母撒卽摩西明史西域傳天

四方每方九十間堂左有司馬儀墓其國稱爲聖人案司又阿  
馬儀疑卽創世記之約瑟阿刺伯初本埃及之屬部也

丹之后好娃氏卽創世記之夏娃其避洪水之挪亞或作諾威卽天

方典禮之努海亦稱挪娃譯音小異耳近有謂亞當二字譯卽

足回教最重眞主卽洋教之天主故七日禮拜二教相同禮拜

之期在耶穌教後五日摩哈默德之制度半皆本於摩西禮記篇民常篇

至其以五功治耳目鼻身卽釋氏六賊六塵之說也不言意

者以真宰篇已詳言之也其言真宰猶釋氏之明心見性其教人念摩哈默德猶釋氏之教人念佛也其始固同出一源後乃以爭教之故互相殘殺十字軍之役伏尸百萬流血千里所爲救世者何在大抵我外無神一語誤之耳然釋氏慈悲耶穌救世之說其源出於墨氏墨與楊雖異趣要皆老氏之支流餘裔也老氏之學一曰慈二曰儉墨氏以之三曰不敢爲天下先楊氏以之墨氏兼愛節用節葬皆慈儉之旨其服役者百八十人可使赴火蹈刃見淮南秦族訓所謂慈故能勇也老氏言以道佐人主者不以兵強天下墨氏非攻之旨也人多技巧奇物滋起墨氏經說之旨也經上經下篇蓋古時人之遺說考工之秘記墨氏獨精其術乃取以入其書如管子之有弟子職呂覽之有月令皆非其所自著故有經說上下篇以釋之畢校本謂墨氏自著因稱爲經非也老氏欲棄義而



墨氏有貴義之篇老氏欲絕巧而墨氏有公輸之篇老氏欲不  
尙賢而墨氏有尙賢之篇其立言雖異其用意則同所謂正言

若反也

韓非解老篇言此甚明後人自誤會耳文子道德篇述

老氏之說曰君子無德則下怨無仁則下爭無義則下

暴無禮則下亂四經不立謂之無道此則老氏之正言也胡應

紫少室山房筆叢云柳河東謂文子乃後人聚斂而成蓋書本

秦漢人撰而六朝唐人如李暹徐靈府等皆潤益之雜取經子

諸家語以解道德經其稱老子皆假借之詞案胡氏所言近是

然其解老子之意則不誤

義不可棄賢不可不尙三尺童子知之豈老氏而

不知彼惟爲是矯激之言欲以高出世儒之上而不復計及流

弊之深故聰穎如楊莊者流喜其說之新奇遞相推衍益加縱

恣列子書中多楊氏遺說唐以前往往往儒墨並稱其說始於莊

子並儒於墨乃外之之詞非真能尊儒也莊生非不識儒害

之要義惟其能識之而復嫺侮之斯所以爲異端彼蓋自處於

習而笑儒者之悲天憫人爲其愚於一世之人無所不狎侮以

抒其憤懣不平之氣其情可悲其學可惜而其言則可誅者也

漁父盜師諸篇後人曲爲解釋不知史公早著之於本傳矣

墨氏獨知其然而出以莊論宜若無惡於天下顧又好逞偏見以兼愛爲宗則害尤烈矣釋氏用墨之兼愛以治外用楊之爲我以治內老氏後之分派者釋氏獨能合之故魏晉以來道家漫於方士失其本真而釋氏之言則往往與老相合佛法初入中國亦但言禍福報應蓋愚民無不畏死者王公貴人尤無不貪生者僧徒故以此惑之異端之得行其教大率由此報應之說有時而窮乃爲三世因果之遁辭移甲就乙桃僵李代固與天主知其說之難通遂一切歸諸天堂地獄使人無可究詰則用意尤狡矣佛學不外禪與教二端教出阿難禪出迦葉其行於中土者教有瑜珈南山天台賢首慈恩五宗禪亦有臨濟爲仰雲門法眼曹洞五宗瑜珈南山天台爲仰雲門皆早亡法眼自延壽後傳入高麗元明以來佛法久衰近則教惟稱天台禪惟稱臨濟彼亦各述其本宗矣教先行於北禪先行於南皆盛於唐以後而禪尤盛一花五葉頓漸既分南宗之徒遂遍天下楞嚴圖覺諸經多爲唐人所譯其以老莊之義援入釋氏固或有之要之老固開釋之先聲非盡由文人緣飾其緣飾者特六朝之義學耳佛書其古於四十二章經言心學者甚多其云淨心守志可會至道譬如磨鏡垢去明來卽菩提明鏡時勤拂拭之義也其二云吾

法念無念念行無行行言無言言修無修修即言語道絕心思  
路斷之義也掃去一切專寂守虛正是老氏見解二家宗旨本  
自相通故范書西域傳以釋氏爲道家之流唐書西域傳言天  
竺王尸鳩摩遣使請老子像亦足見編流之於元學固自有深  
契矣道家既爲方士所篡未降競勝遂相警製造爲老子化胡  
經以詆釋氏荒誕無稽然范書裴楷傳魏志注引魏略南史顧  
歡傳隋書西域傳皆著其說當裴楷時五斗米道未興而漢藝  
已有是言流傳頗古亦以二家教旨本同故爲此校獵耳

文志道家出於史官墨家出於清廟之守古者太史小史兼掌

祠祀老聃本爲柱下史墨氏亦學於史角

見呂氏春秋當染篇  
史角事亦見竹書紀

年此墨學兼出史官之明證而淮南要略訓復謂墨氏學儒者

之業受孔子之術案墨書有子夏之徒問於子墨子云云

見耕  
杜篇

其初受儒業當亦有之第欲兼攬儒家道家之旨知吾儒之言

仁而不知其所以仁遂照照焉以兼愛爲仁知老氏之言儉而

不知其所以儉遂斤斤焉以節葬爲儉欲自託於古聖王不知

其適以充塞仁義也汪容甫疑老氏非老聃明惟深於禮而厭  
末世文勝故矯言棄禮此立說過高之弊耳聃以謙退卑讓爲  
宗謙退卑讓者禮之精意豈果不知禮哉史遷作老聃傳疑聃  
卽太史儋又疑卽老萊子儋乃陰陽家言未足盡老氏之蘊漢  
藝文志別有老萊子十六篇其非一人可知容甫乃謂關尹子  
見於列子列子與鄭子陽同時然則劉中壘以列子爲鄭繆公  
時人又將何說況史遷明言老氏修道養壽二百餘歲其可以  
是爲疑耶史談宗黃老史遷宗儒術雖各視平時君之好尚然  
遷書尊儒獨至故於老子傳歷著疑詞而獨詳其里居世系夫  
老氏既莫知所終姓氏且不可深考復何里居世系之可言此  
皆故爲恟恍之辭以著時君好尚之謬微而顯婉而成章良史

故應如是容甫所疑抑何膠柱之甚耶周秦諸子引黃帝書者甚多大抵老氏之徒所

附益遷著本紀曾無一語及之且斥爲言不雅馴其微旨可見老氏之學主於事天治人非莊

列寓言之比天不言而歲功成因以無爲立說故曰天法道道

法自然其所謂道道其所道亦猶釋氏之言心耶穌之言靈性

百西人名爲亞尼瑪老氏之言曰有物混成先天地生寂兮寥兮獨立

而不改周行而不殆可以爲天下母吾不知其名字之曰道釋

氏之徒亦曰有物先天地無形獨寂寥能爲萬象主不逐四時

洞此釋氏心學出於老氏之顯證獨立不改爲天下母卽釋氏

一心起滅天地之意而西教淺俚遂衍爲耶和華造天地之陳

語創世記亦耶穌教徒所增飾非必出於改頭換面變幻紛紜

摩西觀回教之臆造耶穌事實可見也實則道德五千言已盡括異端宗旨矣程子言吾儒本天釋氏

本心豈獨釋氏爲然凡異端之學無不本心者信心太堅則凡  
先王之典章制度不難一切掃滅之必出於師心自用而後快  
與吾儒之篤信謹守好古敏求正如冰炭鑿枘之不相入而充  
其量雖天地亦爲吾心所造悍然居之而不疑名爲敬天實則  
褻天怪說所由紛起也墨子貴義篇謂以其言非吾言者猶以  
卵投石盡天下之卵石不可毀蓋亦自  
信甚堅而不肯  
虛心觀理者三代政教未分禮樂明備異端之說不能行於  
中土乃流衍於外夷釋氏心學幾欲亂吾儒之眞釋迦能之耶  
穌不能也其說愈變而愈粗其心愈變而愈狠回與天主皆以  
堅忍立教亦老墨二氏之緒餘墨氏言藝則精言道則粗正與  
今之西教相類其書自論兵論藝而外無甚深邃之談尙同義  
愛諸篇  
乃其宗旨所在說甚  
粗淺他更無論矣  
乃能風行一時者直以愛人如己足矯末

流自私自利之失而所傳兵法藝事又皆足應當世富強之用  
茲士之務時者翕然趨之莊周稱墨氏爲才士信不虛也然技  
巧之弊貽禍無窮已早爲老氏所深斥矣彼教所稱十誠未必  
果出於摩西蓋耶穌欲倡新說以此託諸上古名人爲蠱惑愚  
民之計摩西固自有書要非如舊約之所云也舊約紀載古事  
怪誕不經餘皆西人所行之律法而必以諛諂然命之者故示  
神奇造作語言蓄謀叵測耶穌作俑於前摩哈默德效其故智  
遂以竊國特張角張魯之流亞耳摩西上西奈山受帝命而作  
誡又藏在金匱千年至耶穌始以其說示人此作偽之尤顯者  
創世記言挪亞避洪水之事明是剽竊中國載籍爲之十誠之  
剽佛書意亦猶是

地球圖說真神始以土塵造人  
名亞當卽舊博士爲人之說 其他法制古

事言之綦詳摩西在草昧時著書安得如是之全倚其為廣鼎  
不問可知近有謂西奈二字譯即秦字拉丁語稱中國曰西奈  
佛書稱中國曰支那那奈本一聲之轉西教源出中土此尤可  
見魏志裴注引魏略曰大秦人長大平正似中國人而胡服自  
云本中國之別蓋彼時猶未諱言出於中國也英報日記言希  
臘人褻視大袪  
甚似中國當猶是古制之遺西人藝事多本算術而算術之興遠在中國千

餘年後西歷創於羅馬國王羅馬歷以三百零四日為一歲時  
在周平王八年至四十五年鴛麻王始改為三百六十五日四  
分日之一與後漢四分術同此據地理備考萬國史記復云羅  
馬人先以十月為一年至努馬本  
比雷王始改十二月為一年按其時已在周惠王年至尼色達  
間至考王十四年默冬定憲亦從四分術見時人傳始明地球繞日多祿某始明七政諸輪要與歐几里得之幾何



原本皆爲後人附益非其初遂能如是也

地球繞日之理自明中葉歌白尼始闡明

之謂本於尼色達者特附會古義以伸其說耳西人言周襄王時畢他固拉遊歷亞洲得問釋家之論歸而設教禁人食肉復創地球繞日之說畢他固拉卽尼色達之對音案釋氏至達摩僅二十九傳安得襄王時已興釋教且與四裔年表自相抵牾疑畢他固拉非

偉烈氏序幾何原本曰幾何之學不知託始何襄王時人也

國或云埃及或云巴庇倫博攷之士稱其造自天竺迄無定論

復序算學啟蒙曰古時算學希臘最盛周之時問他卧拉

卽畢他固

拉歐几里得亞奇默德

卽默冬

漢之時多祿某王番都皆傳希臘

之學然猶未明以十而進定位之理也此方算術至唐中葉獨印度自古在昔已審平十進之理無平不賅自時厥後阿刺伯諸國盛行其術蓋阿刺伯得於印度而歐羅巴人復得之亞刺伯者也彼其自言如此孰謂西歷不本於回回回回不本於九

執乎

明史歷志正德間漏刻博士朱裕請令日回科驗西域九執歷法

十進之理尙淺四分之

術甚疏彼猶未之能悟孰謂本均諸輪盡創於多祿某日靜地

動果倡於尼色達乎

西人筆算本於天竺阮文達購人傳論已詳之萬國史記法蘭西王沙立曼在位時

阿剌伯王顯以時辰儀歐洲人始見是物莫不讚嘆其事在唐順宗時正可與偉烈氏之說相證明外國地理備

考云自羅馬西都陷於夷狄風俗鄙陋獨東都未遭傾覆文字

尙存一二數百年後其地復爲市埠天竺之珍奇貨物巧妙工

作多往聚售歐洲復習文學考其時已在唐末宋初亦以印度

爲開化之祖也至如借根算法出於立天元一制造火藥得於

撒馬兒罕希密化學本於方士煉丹羅盤行海起於元成宗時

電學圖說東晉時中國用指南針航海鑲板印書始於明正統初至印度傳其法後由印度傳至歐洲

法國人姑布約翰始用彩珍板後易銅板西人藝事之資於中國者多矣大凡文

字之傳以目治者難而可久以耳治者易而輒變中國文字孳乳寢生形聲兼備然三代時猶多耳治故同聲通假之字最多春秋吳越人名地名三傳殊異猶今之譯語不同也公羊傳云地物從中國邑人名從主人今繙譯法猶如此古人簡策繁重口耳相授久則易湮文獻難徵半由於此外國自古逮今無不以耳治者其法易以行遠難以傳久歐洲開闢在後又經北狄之亂舊聞不盡可稽而其人往往喜言古制揣摩影響言人人殊反不若見於中國史籍者之可據歐洲政俗自范史以下章章可考西人所言亦無大異獨其藝事之淵源於古者多由臆測卽以近事徵之如德律風之傳語見於汪灝隨筆紀恩查慎行人海記記謂之順風耳又金鷄勒霜可以治瘧亦見人海記富國初時西人早

造以進 呈而彼反迷所自始近且如此何論遠代西人於希臘羅馬古文童而習之一以爲文藝所從出一以爲政治所從出此如中國之史學欲以通知古事練習詞章若古之技藝與今固不甚同彼所云實學者大底起於近數百年耳中國政教由合而之分西國政教由分而之合當希臘羅馬盛時所奉火教神教不過如番人之信鬼禱求禍福於其政治無與自耶穌出而欲帝制自爲身膺重戮教王既立遂于各國政權妄自尊大以愚其民文學因之日絀迨元以後漸被東方之化路得始創新教諸國從之者寢多蓋以政權還之於上其上固無不樂從其民亦各思自奮西人稱近數百年爲文明之世就彼地觀之固亦有然然中國自周以後政教分而治遂衰西國自明以

來政教分而治反進則其教之無益於民亦可見矣如路得者  
未始非彼中豪傑之士而唯之與阿相去幾何惜乎未聞吾聖  
人之大道去人倫尙夸詐圖於習俗而不克自振拔也西俗於  
君臣父子夫婦兄弟一以朋友之道行之凡所謂父子主恩君  
臣主敬長幼有序夫婦有別者彼皆未之前聞而復以利爲重  
利盡則交絕父子夫婦邈若途人更何有於朋友禮制雖繁虛  
文相尙名雖兼愛實則爲我故人人各保權利之說近日愈倡  
愈行弱者肆其譁張强者奮其牙角幸而未底於亡者各國皆  
自爲世仇人懷好勝之念互相猜忌而猝莫敢先發耳至其政  
治之可取者莫善於興學校通下情省刑罰然刑罰太寬下情  
太寬亦復利害相半學校今盛於昔固爲振起人才之本若下

情之通不一端鄉官議院二事其大要也鄉官惟封建乃能行

之西國猶多封建之遺故其法可持而不做其他政令亦多有

因此而類及者

若選舉兵制之類皆是也日本即如英美賦稅去封建之世未遠故事亦易行

之繁苛甲於天下商賈亦多偷漏

見環球新錄

而稅司罕聞中飽

由其鄉舉里選之法行

議員皆由公舉

恐為公議所不容將自絕於仕

途也然美國造鐵路而議院各員受賄

同治十年事

德國掌鐵路者

以墨敗事連其宰相瓦合納爾

同治十一年事皆見西報

人心日壞清議亦

窮天下安有歷久不做之法哉西國議院之制肇於昂飛的安

在商中葉見地理備考

成於梭倫行之至今亦多有名無實而歷代黨禍

每由此起其尤甚者如英王查爾斯為叛黨所弑至聲王罪而

肆諸市朝振古所未聞也

事詳英志

後漢書西域傳大秦有三十六

無邪堂答問卷二

三

原書卷二

將會議國事其王無有常人簡立賢者此卽議院與民主之制

然大秦田君主而易民主

周敬王十四年事

自屋大維踐位後

卽四裔

該撒阿台非乎此

漢建始四年事 仍爲君主者千有餘年足見共和之治非可

垂諸久遠近時法人置君如奕棋民氣愈囂國勢遂弱尤其明證西國如意大利爲教王所駐之地而盜賊最多法郎西爲文學久著之邦而風俗最靡獨德與俄在西土中猶爲儉樸勢乃勃興覘國者可思其故矣至其教入中國之始據西人所撰東游紀略云有波羅馬哥者於宋末元初遍遊燕京蘇杭閩滇曾知揚州行中書省事至元二十五年教王遣約翰來華勸元帝崇奉西教元帝不從而立教堂於京師入教者約六千人教王復遣安得烈爲之輔後爲景教人所嫉幾被戕約翰死於至順

三年嗣之傳教者名尼哥拉其言夸誕類黠夷所僞爲而書中  
屢稱景教并云杭州有一景教堂可知景教之非天主彼固分  
別甚明也外國地理備考謂歐洲自與土耳其戰後遂與蒙古  
達爾哥斯丹各王結約以拒土耳其宋理宗淳祐六年有數教  
徒資教會函往投蒙古國主嗣後往蒙古印度者益多然則馬  
哥之來中國容亦有之當趙宋中葉回族勢方強盛歐人以爭  
教故血戰百年十字軍屢出而無如何乃思結蒙古以掣其後  
正與宋之約元圖金事同一轍憲宗於是命旭烈兀等出師盡  
平蔥嶺以西諸回部極其兵力所至足以囊括歐洲乃渡地中  
海後僅收富浪一國而還元史言富浪算灘出降算灘乃回教  
國王之稱元明諸史譯音互殊多不勝舉今譯作蘇爾旦卽算



雖對音富浪當是地中海旁小國或謂卽法郎西然法非回教之國也當元太祖時已取布哈爾及北中兩印度逮憲宗之世遂盡取地中海以東各國詳見元史本紀旭烈兀郭侃諸傳及蒙古源流元親征錄劉懷西使記據元史及西書所言是時歐洲北部亦盡爲蒙古所割而兵不逾日耳曼奧地利亞者以與教王先有成約不得不畱此方隅之地俾西人偷息其間不謂西土文明反因是而漸啟元人所得中國技藝盡流傳於外夷明代以來中國方閉關自治而彼乃講求貿易因貿易而漸肆并吞南洋諸島蠶食殆盡遂以中華之技藝反毒中華天時人事相迂而輒發又豈元人所及料哉世猶有謂通商傳教無與於兼并大計者益卽西南洋之已事而一觀之明史外國傳元

未拂箴人捏古倫入市中國元亡不能歸太廟聞之以洪武四年八月召見命賁詔書還諭其王已而復命使臣普刺等賁勸晉統幣招諭乃遣使入貢蓋東羅馬時尙未亡景泰四年始爲土耳其所滅其國仍稱拂箴觀此可知明初詔使已抵地中海視鄭和等之下西洋行程更遠矣

讀墨子文志 評曰九流之學皆有微言存焉班氏之次於六藝者以此周秦諸子書精理名言紬繹不盡故其言足以惑人惟縱橫家理不足乃多爲傾險之辭然亦未嘗不明於事勢墨家則尤言之成理者周末漢初至以孔墨並稱信乎孟子之功不在禹下也近儒表章墨子至謂親士修身二篇與曾子相表裏曾子與墨子所學絕殊姑不具論乃至今卒有西教之患

殆亦棧之先兆者耶

又評曰劉中壘父子成七略一書爲後世校讐之祖班志撮其精要以著於篇後惟鄭漁仲章實齋能窺斯旨商榷學術洞澈源流不獨九流諸子各有精義卽詞賦方技亦復小道可觀目錄校讐之學所以可貴非專以審訂文字異同爲校讐也而國朝諸儒則於此獨有偏勝其風盛於乾嘉以後其最精者若高郵王氏父子之於經子者經之緒餘周秦諸子文字訓詁又多與經相出入故王氏並治之其訂國策史漢亦用此例嘉定錢氏兄弟之於史皆凌跨前人竹汀史學絕精卽偶有疏誤視西莊輩固遠勝之第此爲讀史之始事史之大端不盡於此也通典通鑑其庶幾乎王文肅文簡之治經亦然其精審無匹視

盧召弓輩亦遠勝之顧往往據類書以改本書則通人之蔽若  
北堂書鈔太平御覽之類世無善本又其書初非爲經訓而作  
事出取手其來歷已不可恃而以改數千年諸儒斷斷考定之  
本不亦愼乎如胡臚明據初學記引鄭注以定禹貢之三江乾  
嘉諸儒以其說出於鄭君也翕然從之不知初學記乃誤引與  
孔疏所引鄭注迥不相侔鄭孔本無異而轉借此以攻孔傳則  
惑矣何願船禹貢鄭氏略例謂初學記與孔疏所引者語似相  
左義實相成恐是迴護鄭注之說願船撰有三江古義惜已佚  
一鐙精舍稿中有目無書未知其說若何也然王氏猶必據有  
數證而後敢改不失愼重之意若徒求異前人單文孤證務爲  
穿鑿則經學之衰矣前人說有未盡者或引申或補義豈可力

求新異以誤後人經者常也新異者莊列寓言亦諸志怪之旨  
非經旨也大抵爲此學者於已甚勞而爲人則甚忠竭畢生之  
精力皆以供後人之取攜爲惠大矣故此學終古不廢亦不可  
不從事其間第以此爲登峰造極之事遽欲傲宋元明儒者則  
所見甚陋漢學家訶佛罵祖不但離文與行而二之直欲離經  
與道而二之斯其所以爲蔽若舍其短而專取其長庸非三代  
小學之遺法乎周官保氏以五禮六樂五射五馭六書九數教  
國子此古人小學之法禮樂所用者大故孔子屢以爲教而射  
馭書數罕聞焉降及漢世樂經失傳禮經殘缺射馭久廢九數  
雖存自張蒼許商諸人而外亦非人人可以通曉又其學與天  
文相出入故班志別爲門類惟六書傳授未絕學僮皆所誦誦

矧爲小學乃古人小學之一體非謂保氏教胄之法遂止於斯也宋儒以其說未盡乃刺取禮書以端蒙養後世經說日繁雖老師宿儒終身治之而不能盡苟撮其指要通其大義則童蒙可以喻之且可終身行之此三代聖王設立庠序之本意也故論小學必合漢宋儒者之說而其義始備近儒詆朱子小學爲淺陋大謬不然弟子職非古人小學之書乎呂氏童蒙訓後生禮少儀儀禮等學彙掃應對進退之事及先理會爾雅訓詁等文字然後可以語上不如此則是職等犯分凌節終不能成就國朝顏李之學張皇頗甚每謂聖學在六府三物六府之說未知如何顏李亦語焉不詳若司徒之鄉三物聖門不以此設科者蓋其名義已括於五常之中孝友睦姻仁之屬也任卹義之屬也忠則信之屬也聖與知相近和與樂相通言五常不必

復言三物也習齋於射與數略有所得此亦藝事之常而遂欲以此立異毋乃虛憍之氣未除歟至鄭章之詆斥班氏特其識見未到大端旣明小疵不掩魚仲之謾罵有乖雅道近儒亦多犯此弊乃中西河氏之毒學者戒之校讐之學此其大者中壘遺法本如是世徒以審訂文字爲校讐而校讐之途隘以甲乙簿爲目錄而目錄之學轉爲無用多識書名辨別板本一書估優爲之何待學者乎若夫舍經史而言義理古來無此讀書之法漢儒固不爾宋儒亦豈其然也

又評曰漢儒本經義以治事見於班史者若釋之決獄平當治河其尤著也易明天道詩治性情書禮春秋皆切當世之用漢時史學未興此指後世史學言之實則書禮春秋皆古史家之

書也太史公書漢著紀之類班志皆附於春秋其經學卽其史學而去古未遠制度風俗皆於經義爲近故致用在乎窮經猶今人之言經濟當讀史也史愈近者愈切實用故 國朝掌故必須講求明史亦須熟讀明嘉靖以後之事卽稗史皆須博覽其朝局民風邊才軍政無一非取證之資第其書最多亦最雜又皆參以恩怨之私標榜之說非博觀而約取之不見也明史於此持論最詳愼然不博觀野史不知明史抉擇之精漢之視周猶今之視明耳鄭君注經每以漢制況周制本朝掌故之學也注體謹嚴故所及者祇此實則無事不可通宋儒言讀史令人心粗有爲而言未可藉口朱子以東萊門人尊史漢與六經等故云然程朱非不讀史者也程子玩物喪志之言亦因謝顯



道而發故下文卽記程子讀史精細之事胡籍溪跋上蔡語錄云昔見明道先生讀前漢書未嘗踈過一字至見他人有記問者則曰玩物喪志此可以窺其意旨也朱子文集答呂伯恭書明道玩物喪志之說蓋是箴上蔡記誦博識而不理會道理之病渠得此語遂一向掃蕩直要得胸中曠蕩無一毫所能則可謂矯枉過正矣史之大綱悉出於經所不同者特其因革損益其義例則經已備能求實用者方爲窮經此非僅事訓詁而已也杜君卿之通典秦文恭之五禮通考通經於史皆振古奇作曾文正論學恒推秦氏通考及高郵王氏之書斯其所以爲文正也與王氏以經學名實卽校讐之學而無放言高論之失漢學中較爲無弊盧抱經顧千里亦校讐名家間有武斷擅改者未盡足據不及王氏之精審也

擬椰子厚乞巧文曰蒙氣衍漾時有僭僣無系災祥術士謬言

評曰天之蒼蒼神祇何在災祥何在乎人之心耳心以爲有則有心以爲無則無合千萬人之心而以爲有是物則真有是物矣楚人鬼越人禩其理皆作如是觀聖王明知其言之近誕也而人情如是則因其機而利導之使人由是生敬畏心以潛消其邪慝故曰神道設教而天下服愚夫之崇飾土木術士之妄言休咎變本加厲耳然其獎小至外裔之說行則天變不足畏矣可乎哉謹案康熙三十六年二月朔 諭曰日食雖人可預算然自古帝王皆因此而戒懼蓋所以敬天變修人事也大哉 王言洵足垂範百世矣陸氏燾切問齋集有

神氣篇論天人感通之理甚精

倣司馬談論六家要指綜論 國朝諸儒學術曰亭林南雷倡

導來學身世卽有可議何至若江甘泉之貶哉 評曰二人身世皆無可議其初受官於唐魯二王也同其後卻聘而不出也亦同一則屢謁明陵一則乞師日本君臣之義皆無所闕亭林雖抱母氏之隱痛而身未入閩南雷當翁洲破時早離行間終身肥遯足報故主論其生平之大節固無可軒輊也至如鄭堂所論意別有在彼不喜二先生之學故假殷頑以陰斥之抑知勝朝殉節諸人乾隆時表章備至鄭堂獨未之間耶要之夏峯梨洲亭林三人少年時皆近遊俠之爲其才皆足以用世終老山林非其本志究能以名義自持則讀書講學之效也江氏書議論乖謬采摭亦未備有能踵而爲之者仿學案之例兼收漢宋甚盛業也鄭堂論二先生之學謂非真知灼見昔章惇赴召

人間以新政所先者愷曰司馬光姦邪當首辨之鄭堂之識蓋亦類此故君子慎其所習

問古來精術數者多不得其死非盡由危言以招厭毋亦緣飾經術而不務修德之故歟 荅巧者造物之所忌洩陰陽之秘者必干鬼神之誅古聖仰觀俯察皆所以前民利用非斤斤於禍福也術士事事欲求前知則足以殺其軀而已矣人惟七情具而後可以爲人若事事前知則喜怒哀樂皆無所用仍頑然一物百何所取乎

問虛無者佛竊儒之似非佛也有若無實若虛此足覘喜怒哀樂未發之時寂滅斯爲佛佛欲使斯世不生不滅而不能使一世無生無滅顧思以道易天下愚矣 荅若無若虛不必如此

牽合一言學問之事一言心性之事不相謀也凡物皆自無而之有自有而仍歸於無物之形可以有無言物之理不可以有無言故貞下起元如環無端生生之理不絕夫子贊易於精氣遊魂往來屈伸之故亦詳言之蓋陽生於陰而陰不可以爲治故聖人扶陽而抑陰有生於無此但以形氣言而無不可以立教故聖人黜無而崇有釋老之謬不在言無謬在一切歸之於無耳老氏非專言無但欲以無爲用則亦與釋氏同病

宋書夷蠻傳沙

門慧琳著均善論有白學先生訪於黑學道士曰釋氏所論之空與老氏所言之空無同異乎黑曰異釋氏卽物爲空空物爲一老氏有無兩行空有爲異安得同乎

遂并此而諱言之然則人物能長存於天地間卽抑盈天地皆

人物充塞而略無空虛之處耶天地間莫非氣所充周人物之

生得是氣以成形形微則氣散人物之氣有時而散天地之氣  
無時而散故仍分天地之氣以生人物人爲萬物之靈其清氣  
之所萃也鬼則人之餘氣也神則人與物之精氣也張子正蒙  
謂氣之聚散於太虛猶冰之凝釋於水誠爲確喻然方其釋也  
夫固有水而無冰也故中庸言鬼神之德不見不聞不見不聞  
則謂之無也亦宜無極太極之辨紛如聚訟黃晦木至以方士  
修煉斥周子晦木淺謬不足論卽朱子荅象山書苦心分明亦  
爲後學防弊起見實則有無之義吾儒固自有之不必諱言也  
易言無方無體詩言無聲無臭古之言無者多矣表記殷人尊  
神鄭注以鬼神虛無釋之鄭君亦未嘗諱言虛無也乾元用九  
羣龍无首剛而過中則必有咎聖人故以此垂戒老氏乃專明  
守柔之義遂流爲異端然老氏之柔以柔制剛與選儒畏惠者  
有別天下惟柔者最狠故黃老流爲申韓禮運我觀殷道得坤  
乾焉先儒謂歸藏首坤坤至柔而動也剛老氏殆明殷易者歟

陳氏壽熊謂無極之語見於管子逸周書非始道家案逸周書  
命訓解正人莫如有極道天莫如無極道天有極則不威正人  
無極則不信周子作太極圖說以道天既明陰陽五行安得不  
言無極若正人有極卽洪範皇建其有極之謂言固各有當也  
乾鑿度云易始於一分於二通於三鄭注易本無體氣變而爲  
一故氣從下生清濁分於兩儀陰陽氣交人生其中故爲三才  
此卽周子之說所本論語仁者靜集解引孔注云無欲故靜周子特用其言而近人以此攻周子謬矣荀子解蔽篇人何以知道曰老氏之學主於收歛退藏歛之至深  
心心何以知日虛壹而靜發之至猛謙卑遜順先自立於不敗之地而以退爲進反爭先  
著故古來用兵者及處功名之際者得其道往往足以自全然  
學術陰鷲流弊極大管子心術篇乃其書之最精者而宗旨與

黃老大同其言曰虛無無爲謂之道又曰人主者立於陰陰者  
靜故曰動則失位陰則能制陽矣靜則能制動矣又曰虛之與  
人也無間惟聖人得虛道又曰無爲之道因也因者無益無損  
也此皆開老氏之先聲內業篇尤近養生之說故漢志列之道  
家隋唐志皆入法家案史記管晏列傳正義引七略亦入管子  
於法家要不如漢志之確刑名原於道德班氏其知之矣越絕  
書枕中篇道生氣氣生陰陰生陽王厚齋以爲先陰後陽卽歸  
藏先坤之義范蠡亦黃老之學故其說相符國語載蠡諫辭亦  
皆道家言也凡陰謀之書皆祖黃老如陰符經純乎兵家言而  
絕不及兵事蓋得老氏之精者

朱子語類及真西山胡敬齋集中論老氏之學皆精

魏晉人祖述老氏者又遺其精而襲其粗抑知老氏之宗清淨非竟



忘世也彼惟殷然於斯世而欲以一心運量天下之變乃日以制心爲事返虛守寂湛然不動庶足運量天下而有餘故其言曰以無事取天下取天下而以無事出之其陰鷲可知矣老氏書作用最多乃示人若無所能使人入其牢籠而不自覺開後世權謀變詐之習故爲異端莊出於老而立言又不盡同莊子天下篇卽其書之自序觀其所言未嘗不深知儒術而汪洋恣肆故爲偏宕之詞幾於以儒爲戲蓋依隱玩世發憤著書欲兼攬儒與老氏之旨理旣駁雜不純而加以縱橫博辯之辭矯爲外形骸一死生之說故文士失職者或身當濁世有託而逃者尤喜誦述之其書本是寓言晉人乃推諸實事宜其流毒之甚也原壤亦宗老氏棄禮之教已開晉人先聲登木而歌夫子若

爲弗聞也者蓋諱大惡之意所以全交也

此朱子語類之言陳氏禮記集說引之

至夷侯小過乃以杖扣厓斥之爲賊聖人詞氣未有若是之厲者其黜異端至矣釋氏蓋莊列一流其言多與列子相出入而於虛無寂滅之說推闡尤精以之自治或可以治天下則悖矣楊嚴華嚴諸書亦以詞勝故文士易爲所溺曹月川謂吾儒之寂寂而感佛氏之寂寂而滅羅整菴謂吾儒以寂感言心佛氏以寂感爲性願涇陽謂吾儒以理爲性佛氏以覺爲性數語皆直揭其要整菴因知記儒釋之辨尤詳蓋天下事事物物皆自無而之有者也有視聽貌言則有哲謀肅乂之事有父子兄弟則有事親從兄之事既有矣安得謂之無釋氏以四大爲幻身而轉索諸六合之外此其所以與聖賢異趣也然其大旨則老

莊已先言之夫道德爲虛位五常爲實理道德以五常實之而始不病於虛故夫子之言志道據德必兼依仁游藝禮固在六藝中也老氏欲攝有於無攝實於虛遂以道德爲宗旨而卑視仁義然其書中所言致用之術又豈能舍仁義以爲用哉老氏言當其無有車之用是固然矣然苟輪輻不具將并車而無之又安能得其無之用哉儒者之道則不然以有爲教以實爲治故能歷萬世而不敝曰無曰虛惟贊易偶一及之其平日與門弟子雖言以及垂教萬世皆推極人事之常燦著於耳目之前者性與天道且不可聞況敢以虛無倡天下乎夫此人事之常固老氏所斥爲粗迹而以爲忠信之薄者也三代後之天下文明日開機智日鑿正賴有仁義禮之說以維之必以羲皇之俗

律後世此大亂之道也。羲皇以前榛榛狉狉人類未蕃政教未立人之異於禽獸者幾希聖王有作乃明人倫以教萬世而道德仁義之名立焉然則太古之俗乃陋也非簡也。老氏以此爲宗旨安得不誤中廚爲致精微之書故有喜怒哀樂未發等語似已近於無矣而仍推之於已發與異端之向上一機者殊科。宋儒以存養省察釋之理至精密朱子答呂子約書言已發未發極管切程朱語錄尤於此斤斤致辨焉故學者審端致力不可不慎聖賢心熱釋老心冷聖人以成物爲心雖晦盲否塞之時知其不可而爲之猶天地以生物爲心雖嚴寒肅殺之時生機未嘗絕也。故聖人之書尙仁老氏之書尙智道德五千言莫非教人以取巧之術後人得其精意則爲沮溺爲孫吳得其糟

無耶堂答問卷二

望

廣雅書局

柏則爲清談爲鄉愿凡此皆聰明用事之人其與聖賢之道不

啻南轅北轍蓋爲聖賢爲忠孝者皆以愚成其智故曰智可及

愚不可及溥之以仁裁之以義斯大智出焉離仁義以言智則

有誤以機械變詐爲智者矣

凡事必有其機昧於機者不足以成事老氏專明此義近覺爲我之

意多且易流於權術聖賢安懷爲量不忍言此也近人喜明公羊權學其與老氏之旨相去幾何後世悖於大經大法者多矣

經之未立

釋氏謂眾生皆合佛性

此卽生之謂性之說

而欲以大願力拯

之誠有似乎仁矣然清淨寂滅其心死而不活故發不中節勢

必終窮由其不知天下之大本斯不知天下之達道耳

宋明諸賢辨之

已詳聖人盡己性以盡人性盡人性以盡物性其參贊化育者仁

其條理秩然者仁中之義惟未發時極其中故既發時極其和

敬以直內未發之中也義以方外既發之和也聖門言仁多主

欲此宋儒之宗旨

此存心之要也所謂直內也進以禮退以義

乃見聖人時中之道

否則心熱者將變而爲熱中矣

此制事之要也所謂方外

也 異端以虛無立說其弊固不勝言矣近人因攻宋儒之故

遂欲去無以言有理既偏而不全且欲去虛以言實并聖人之

言周流六虛亦別爲曲說以隱斥之不知天下惟虛者乃能周

流苟實矣則對待耳何周流之有凡物皆有虛有實非實無體

非虛無用以實觸實未有不激者也近人以虛靈二字出於道

家不可以之狀心體然則心體固當實而蓋平大戴禮天圓篇

陽之精氣曰神陰之精氣曰靈神靈者品物之本而禮樂仁義

之祖也詩靈臺篇故訓傳神之精明者稱靈說文靈巫以玉事

神此制字之本義引申之則爲神靈之稱安得操許書以糾古

無邪堂答問卷二

聖

文秦誓禮運四靈以爲畜孔疏謂此四獸皆有神靈異於他物物猶如此可以人而不如乎譬之人身有實處亦有虛處筋骨實也血脈虛也氣血流行乃資以生壅閉爲害不死何待虛羸固死脹滿亦死死之道不同其死一也是故五味養陽五食養陰何爲也哉亦曰以衛吾生焉耳讀書窮理實事求是何爲也哉亦曰以致諸用焉耳讀書實也窮理虛也實事實也求是虛也虛與實相資爲用猶陰與陽相資以生作文然爲學何莫不然近人惟讀書而不窮理實事而不求是故歧之又歧程朱之學所以可貴者以其本末兼盡也小小低悟豈能盡免後人虛心以訂之可也肆口以詆之不可也明中葉後乃詆爲支離乾嘉以來又詆爲恠怙同一程朱何以相反至於如此亦適見詆

之者之無定識而已孫夏峰言晦翁沒而天下之實病當瀉姚江沒而天下之虛病當補

此夏峰述王龍溪之言

竊謂夏峰之言未盡確

若漢學家乃正當瀉者耳

問封禪爲古來受命升中饗帝之文孫淵如論之甚晰自世主  
弱長生之術而怪迂之士乃接踵而售其奸封禪二字遂若爲  
盛世所諱龍門以封禪名書是舉祀事之大者爲名否孟堅易  
爲郊祀固是紀實然自晉以下皆不志沈隱侯收入禮志謂禮  
所包非一郊祀朝饗同之其說允否至元史又有祭祀志何也  
荅孫氏所論固當但史公名篇似未必有此意感時事而名  
其書耳起四語卽揭明此意古人嚴祀事所謂國之大事在祀  
與戎史旣別志兵事則祀事亦可立專門遷史通紀三代而於



此轉略之獨詳漢世於武帝尤加詳焉其微指可見當時所謂  
謫書者此與平準爲最著矣後世旣無三代哲王精意享帝之  
誠又無秦皇漢武方士禱祠之失則併此於禮志亦其宜耳元  
史詳載祭儀若併之恐指大於脛故別自爲卷然臚列靡遺究  
傷繁冗無當史裁

問地理志取之不足曰更費應劭注更償也案檀弓請庚之庚  
訓償疑莫志之更是庚之借字考更字無訓償者 荅更訓償  
見廣雅釋言周禮司弓矢鄭注公羊襄三十年釋文檀弓借作  
庚耳列子黃帝篇心庚念是非口庚言利害張湛注庚言作更  
案庚更同聲通用張注非禮記月令注庚之言更也

問地理志燕地南得涿郡之北新城案北新城屬中山國涿郡

無此縣 荅中山國自景帝時始建其初北新城蓋屬涿郡此當是漢初言天官者舊文班氏承用之未及改耳

問漢刑法志其亡逃及有罪耐曰上顏注於本罪中又重犯者案耐無重義其罪云何 荅高帝紀注引應劭曰輕罪不至於

髡完其耐鬢故曰耐耐本作而說文而頰毫也耐又爲耐之或

體應劭云古耐字从彡髮膚之意杜林以爲法度之字皆從寸

後改如是案耐已從而又从彡於義無取杜林說是也

禮運鄭注耐古

能字正義引說文與今本異或以字林爲說文耳

顏注蓋謂耐本罪外又重犯逃亡之

罪但詳上文語意疑所謂不用此令者惟指罪人獄已決以下

言之與上當黥者至皆棄市一節各不相蒙彼論肉刑重罪此

論當完輕罪耐卽當完之罪故云其亡逃及有罪耐以上不用

此令謂亡逃及酈以上皆重罪不得用鬼薪白粲等輕罪以相比附也當仍用髡鉗與笞棄市之本律顏注併爲一事似非

問大刑用甲兵其次用鈇戍班志故先兵後刑王西莊商榷云刑平時所用兵征討所用二者不可合又錢文子補漢兵志一卷王氏不滿其掇拾於千載之後案班史例舉其大故合兵於刑後世踵事日增原不可以相律錢氏之補類蛇足否王氏糾班於例允否 荅南北軍之制都肄之制已散見各傳志中錢氏掇拾固亦不能他有所補也刑罰得其平則甲兵可以不用已散法或苦法乃始鋌而走險故兵與刑有相因之勢班史合之爲能窺見其本原唐虞命官兵刑不分至周而始分之此卽所云踵事日增之說然司馬與司寇所屬之事猶多相出入

者可見勢本相因王氏商榷云云不足與辨也周禮六官多爲後人所疑然大戴盛德篇已有之西河馬禮問引以爲證極確周官之可疑不在此

問漢食貨志募民能入奴婢得以終身復顏注庶人入奴婢則復終身是庶人先犯罪以奴婢作贖否 荅謂復其賦役也漢法計口率錢其云終身復者謂終其身不更取賦役以償奴婢之直此入人口以畱抵租賦非贖罪也漢俗富人多畜奴婢如卓王孫程鄭以僮奴千人八百人富於蜀中張安世僮奴數百皆執常業其家富於霍光是也

問古無四聲豈齊梁以前平仄皆混讀乎今韻書與廣韻異畢竟何人所訂常用字所遺尙多如琵琶字梟字皆遺之何也 荅

古詩惟被諸聲歌者乃重音韻餘則不拘說詳鍾嶸詩品故古韻四聲通押然晉宋以後已漸趨於密此天地自然之機也古不分四聲而分陰陽清濁字母反切之學因之以起惟無韻書而雜方音故久則易變魏晉之不同於周秦六朝之不同於漢魏者以此自周陸諸人定韻書後而聲之變易者鮮矣廣韻集韻本皆二百六部今韻一百六部相傳始於平水劉淵然淵是刊韻書之人非定韻之人錢竹汀諸人皆有辨其書上聲尙多一部竹汀謂曾見王文祜刊本分韻已與今同文祜金末時人書未經見昭文張氏書目有之當卽黃堯圖舊藏竹汀所見之本惟元陰時夫韻府羣玉爲與今本同耳古韻書爲小學而作今韻書爲聲律對偶而設用意本殊欲治小學須於廣韻求之

此今韻之祖也周陸之書及唐韻皆久佚紀文達沈氏四聲考以沈休文集所用韻較廣韻分部之同異凡仄韻得七十五部皆與切韻同平韻得四十一部不合切韻者幾一二用意雖勤實則不然陳東塾切韻考已辨之其存者以廣韻爲最古廣韻本唐韻唐韻又本切韻故切韻唐韻雖佚而可卽廣韻以推尋其緒集韻出於廣韻而增字甚多且多後世俗字相沿旣久亦往往不能廢卽如琵琶爲搃之俗推手曰搃引手曰把琵琶之所由名也風俗通正作搃把釋名則假批把字爲之說文本無琵琶二字新附乃有搃爲犀之俗然廣韻集韻均已收之必舍琵琶而用搃犀人將不識爲何物矣字體變遷由篆而隸已不能盡合六書學者惟當知正俗之辨使無大悖六書之指必盡執

無邪堂答問卷二

三

廣雅書局藏

說文以繩古籍勢不可行也治道當去泰去甚文字亦然顏氏干祿有此說陳長發江艮庭之徒雖古雅不足法至今韻書遺漏之

字尙夥試士之書類然無足異也禮部韻略觀韻漏判字添韻漏尖字爲俞文豹吹劍錄所糾四庫提要已及之

問間閱古今人詩有出入古樂府者心甚憚之覺爲詩必浸泳古樂府來乃有佳處然否答古樂府猶有比興之遺後人以文爲詩而六義微矣李杜所以高出千古者只是樂府熟二公皆得比興遺意特杜顯而李微耳詩有別才嚴滄浪之言誠然專由學力入者多工賦體於比興之義終少妙悟乃學人之詩非詩人之詩也

問桐城派爲古文正宗與南豐之原本經術同否然初學每苦

其冲淡古文辭類纂流別甚精其斥蕭選爲破碎尤否駢體文  
鈔謂凡文必偶欲引學者由駢以復古有所矯而言否 荅桐  
城名學八家實則祖歐陽而禡震川高者間法史記姚鼐中禡  
郎中往往有之但法其雋峭者多雄偉者少歸太僕之家法固  
如是也宋文惟介甫最高而最難學李安溪謂古文韓公之後  
惟介甫得其法是也次則南豐源出匡劉淵懿質厚南宋人多  
效之朱子尤爲具體而稍緩弱葉水心亦工近時龍翰臣多效  
之震川兼師歐曾然不逮南豐之厚實雖時代爲之亦由經術  
淺深之異耳桐城冲淡乃其佳處文境惟冲淡最難但未學雄  
奇專學冲淡易流薄弱若吳仲倫輩多如此桐城之不能爲班  
馬韓柳者亦以此馬雖不能至而其嚮往恆在斯班則步趨者



寡惟曾文正善蓄氣勢實深於班史者故其文能救桐城末流  
之失劉霞仙養晦堂集亦可誦望溪論文之旨曰言有序言有  
物有序要矣有物尤要非多讀書而明於事理不能也桐城之  
文有序者多其有物者方姚而外惟劉海峰管異之魯通甫曾  
文正諸家海峰經術尚淺才氣獨盛卷首論多奇闕而言之太  
盡古人不欲盡言者蓋有深  
意在焉海峰未之思耳其論文則佳管魯文善論事勢城

顧南亦主經世而文不工蓋爲公牘所累與藍鹿州略同餘不  
多得微特不逮古人視國初汪魏二家亦往往瞠乎其後鈍翁

湛深經術燕香南豐文自精實三魏文皆有理致如裏言偶書  
諸編時有見

道之言雜記中論文亦造微叔子筆勢尤雄放其論事敘事之作多得史遷

遺意易堂九子邱邦士彭躬菴亦佳邦士筆力矯折微嫌  
其射養真氣滿溢雖辭多憤激足見性情之厚國

初三家並稱惟雪苑蚤卒根柢遜於汪魏而識解特超才高固不可及雪苑與任王谷論文書謂文之旨全在裁制當其開漫語發揮便當控取歸於合著其言固是然開漫語碎處過多易落稗官窠臼邵子淵袁簡齋輩每喜爲之此不善學史記之過也袁川回不至此而亦間有過碎處吳南屏諸人專師一家易犯此弊蓋無大氣以舉之故耳其次則西溪竹垞皆善學北宋餘如尺木楊甫諸人佳者尙不少可依類以求也近時翼定庵魏默深縱橫學國策廉悍學韓非頗足補桐城之所未逮翼勝於魏而偽體尤多定庵才氣一時無兩好爲深遠之思而中用秦諸子之毒有時爲彼教語亦非真有得於彼教聊以佐其蕩肆而已刻深峭厲既關性情蕩檢踰閑亦傷名教學之頗多流弊魏氏雖不及其精深尙未大抵不由唐宋專摹秦漢者莫每坐此明七子至如其橫步

詩可讀而文不盡可讀以詩學真唐人文學僞秦漢耳王季羣稱余洲

讀書多而才雄非李所及滄溟喜爲詰屈而辭精義明人繼碎之弊多自滄溟開之文不法六經而法諸

子已屬次乘故詞勝不如意勝意勝不如理勝理其餘也意其  
枝也詞其葉也三者具而後可以成文爲僞體者理不足而欲  
以奇勝是爲霸才歷代皆有之不如是不足見天地之大也近  
人爲漢學者好詆八家而文多尤皆惟汪容甫戴東原獨工東  
原本學八家固於考據未極其才容甫醞釀較深筆斂而不敢  
縱故雅潔而醲醇但文得蒼莽雄俊之氣者貴專效此體則邊  
幅易窘或謂由此可上窺魏晉合駢散而爲一是也惟魏晉文  
氣疏宕容甫如深閨名媛舉止矜貴所乏者林下風耳至其敘  
事諸作并未改八家面目而故爲大言卑視韓柳此乃英雄欺  
人學者毋爲所瞞若姚氏斥蕭選爲破碎是固有之蕭選兼綜  
周秦以下之作體制不同有雄偉者有渾緩者要莫不有濃醲

之味桐城所短乃正在此亦不必是丹非素也古人本不分駢散東漢以後駢文之體格始成唐以後古文之名目始立流別雖殊波瀾莫二李氏志在復古斯選絕精其自製文亦多上法東京力宗崔蔡駢文境界之最高者養一齋集非自定故甚蕪雜西京之文莫盛於兩司馬史公源出左國長卿源出詩騷皆以氣爲之主氣有毗陽毗陰之分故其文一縱一儼一疏一密一爲散體之宗一爲駢體之宗皆文家之極軌班揚多學相如崔蔡學班揚而氣已漸薄遂成駢偶之體矣第初學先知駢散之分乃能知駢散之合諸生課藝間有不古不今絕無文律者未必非學步邯鄲有以誤之若李氏之言固非矯也有陽則有陰有奇則有偶此自然之理古文參以排偶其氣乃厚馬班韓

無耶堂答問卷二

五

廣雅書局

極皆如此今人亦莫不然日由之而不知耳然非駢四優六之謂凡文必偶意雖是而語稍過若擘經室集諸論則偏矣國朝古文選本通行者如二十四家文鈔胡海文傳之類均不佳李氏姚氏皆有國朝文錄李不及姚姚選頗得因文見道之旨論與書取舍尤不苟惟序跋所取未精李選未免學究氣亦未免鄉曲之私然采摭頗富諸集少傳本者藉此可見崖略問駢文導源漢魏固不規規於聲律對偶百三家時有工拙惟徐庾能華而不靡質而不腐取法貴上似當以風骨爲主駢體正宗多作棘吻語文之古與不古當論氣格雖有拗句亦行乎不得不行何諸家有未盡然耶陳檢討渾成富健尤西堂傾筐倒篋要非儉腹所能洪北江氣極暢茂吳聖徵稍覺婉弱而曾

選乃首西河西河正多棘吻竊昧於從入矣顧略舉學駢文之  
要 答駢文萌芽於周秦具體於漢魏沿及初唐襲其體製韓  
柳復古斯道浸微至宋而體格一變矣天地之道有奇必有偶  
周秦諸子之書駢散互用間多協韻六經亦然西京揚馬諸作  
多用駢偶皆已開其先聲顧時代遞降體製亦復略殊同一駢  
偶也魏晉與齊梁異齊梁與初唐異同一初唐齊梁也徐庾與  
任沈異四傑與燕許異六朝文氣骘骘自是衰世之作但學駢  
體不能不宗之漢文爲駢儷之祖崔蔡諸公體格已成建安近  
東漢西晉近建安故魏晉自爲一類東晉與劉宋自爲一類永  
明以後之趨繁綺至蕭梁諸帝王之作而靡麗極矣文章關乎  
運會東漢清剛簡質適如東京風尙建安藻繪而雄俊魏武偏

無耶堂答問卷二

至

明倫彙編 家範典

霸才力自與六代不同晉宋力弱特多韻致亦由清談之故其體較疏猶有東漢遺意至永明則變而日密故駢文之有任沈猶詩家之有李杜也李存古意杜開今體任沈亦然任體疏沈體密梁陳尤密遂日趨於綺靡惟北朝文體稍正而不爲南朝所重北人亦自魏弗如蓋是時羣以繁麗相尚也物極必反至徐庾而清氣漸出庾尤清於徐遂爲駢文大宗六朝文如千令升范蔚宗詩如左太冲陶靖節鮑明遠皆不爲風氣所囿故可貴也徐庾清新富麗誠爲駢文正軌然已漸趨便易厥後變而爲四傑再變而爲義山又變而爲宋人故義山者宋人之先聲也宋人章奏多法陸宣公宣公降格以從時源亦出於東漢宋人名駢文曰四六其名亦起於義山見樊南甲乙集自序四字

六字相間成文宋齊以下乃如此其對偶亦但取意義聯貫並不以駢四儷六平仄相間爲工永明以前本無四聲之說要其節奏自然初無所爲鉤棘也六代初唐語雖襍積未有生吞活剝之弊至宋而此風始盛此不可學宋文佳處不在此然宋文之佳者固自不可磨滅飛書馳檄其體最宜彭文勤有宋四六選其自作經進文亦多類此體格雖卑取其易曉 國朝古文不競佳者未及唐荆川宋景濂毋論遺山道園以上賴有桐城一脈正法眼藏猶未盡絕耳 荆川爲明文之冠景濂根柢深厚未出山時尤勝近人學史漢八家往往爲其所絳學周秦諸子又往往爲其所溺景濂兼學二者而無二者之弊雖亦有膚沓之詞爲明臺閣體濫觴然精遠處固非後來所及 國朝古文多規撫震川震川深淨精微荆川則兼雄奇博大才尤高學尤博也 而工駢文者獨多胡稚威洪稚存汪容甫孔顥軒邵叔山董方立諸人其最



也陳吳爲應酬文所累明末四公子以王謝子弟自擬其年濡  
染家學南史最熟文亦如之其摹仿鄴下諸作雖嫌太似而功  
力甚深刻全集時乃以此入於古文遂爲程叔恭注本所遺其  
年古文不入格獨此數篇爲佳曾選取之是也穀人自是清才  
體格太弱汪洪並稱洪不逮汪之厚汪不逮洪之奇洪文疏縱  
汪文得潔邵文清質皆可想見其爲入西堂熟於騷選擬騷及  
遊戲文獨工雖或有傷大雅以之啟發初學則可袁簡齋才筆  
縱放勝於荔裳諸人惟根柢不深偶用古語多成贅疣若修千  
忠肅廟碑之類故是傑作廟碑用辨難之體雖非古法猶或可  
爲若吳巢松祭吳季子文亦用之則  
誤甚曾選之佳者尙有劉園三王芥子孫淵如吳山尊彭甘亭劉  
芙初吳巢松樂蓮裳諸人甘亭選學最深亦頗爲選所累擇摭

太多真氣不出要是駢文正宗矣初巢松諸人婉約峭蒨致足  
實心而文氣已薄孫王才高未竟其所學也文章未論工拙先  
論雅俗如蓬裳荅  
王康山書有云眼與碧疏意將紅斷欲學齊梁乃落俗調凡此皆可類推曾選之首西河蓋以時代  
爲次西河不以駢文名而頗合六朝矩矱整散兼行並非鉤棘  
如沈雲英傳入後人手易爲嘔噁惡語此獨無之平澹頌用唐  
人李元賓呂和叔文體鍛鍊未純而筆力高邁惟才力薄弱者  
苟欲爲此易至舉鼎絕臚不若效徐庾義山一派可免舉止羞  
澁也曾選中如郭頻迦諸人故爲拗體筆意似雅邊幅甚窘此  
外若王仲瞿雖有奇氣乃野狐禪姚復莊欲開生面亦頗犯此  
弊駢文自當以氣骨爲主其次則詞旨淵雅又當明於向背斷  
續之法向背之理易顯斷續之理則微語語續而不斷雖悅俗

目終非作家公牘文字如箋奏書啟之類不得不如此其體自義山開之惟其藕斷絲連乃能迴腸蕩氣駢文體格已卑故其理與填詞相通文與詩異流而同源駢文尤近於詩倚聲亦詩之餘也風雅本性情之事惟深於情者乃可爲詩特用情有邪正之不同溫柔敦厚詩教也緣情綺靡非詩教也至如雍容揄揚之作鏗鏘鏗鏘之詞源出於頌別是一格以駢文論則曾選中劉圖三最工此潛氣內轉上抗下墜其中自有音節多讀六朝文則知之四條用俳調故與此異燕許尙皆如此至中唐後而始變國朝精於此者惟稚威叔山汪洪諸家亦時有之輒軒以下文雖工而此意則寡矣

無邪堂答問卷二